

# 1 Korinti

## *Pauloŋo Kibi Mane Mikepka Korinti Eŋane Qeke*

<sup>1</sup> Paulo, na Kristo Yesu wane aposolo, Anutuŋo noraki paki biranange, na so kimaze Sostenes,

<sup>2</sup> ŋeto kibi iwa Anutu wane doku tau tau magu Korinti gemami, ŋinane qemaite, ŋine korop Anutu wane ŋei ŋerep koboboine ŋidorake, ŋine eŋane biŋek okane Kristo Yesurop wenen gemami, ŋine so ŋei ŋerep korop yeo yeo ge arimami, eŋe bakomine kito okanmami, Waomze Yesu Kristo, eŋane waom so ŋenane wenen.

<sup>3</sup> Anutu ŋenane Magaze, so Waomze Yesu Kristo eŋano ŋine wet pesek so peamŋo ŋinano pa wareake.

## *Pauloŋo Anutu Bakomine Kitoke*

<sup>4</sup> Na, naso baŋem ŋinane rawe paki Anutu ewine kito okanmaile, onoka wane Anutu eŋe Yesu Kristo wane raki paki wet pesek ŋibonge eawane.

<sup>5</sup> ŋine Kristo Yesurop wenen qeturan nagukoi, yewao ŋine yeye kine kine korop ea wane morianine maratka warekoi. Eamo don kine kine raikoi wane numaine so dereret kine kine marat kaikoi wane numaine korop.

<sup>6</sup> Eso Kristo wane don ŋidangone, ea yaleka ŋinane koto ŋino ketki togogole malip kakoi.

<sup>7</sup> Ea wane ŋine Waomze Yesu Kristo sari didiwo lotkeake ea wane tomaka geu paki koto ŋinane morian wane mane mi ŋaŋaekoi, midakaka.

<sup>8</sup> Yesu Kristo onjom banj ma togole njungi njine togogole ge mageu naso njine qoeki, sot midaine okorakei, Waomze Yesu Kristo wane naso yewao, so

<sup>9</sup> Anutu wet peseinane detluk kaikene, onjo njidora newan njunge, yemo enjine Gipole Yesu Kristo, njenane Waom, enjerop wet weku qeturage gekei wane.

### *Doku Tautau Magu Wirikoi*

<sup>10</sup> Kimakopne, na Waomze Yesu Kristo wane enjetko wet qelot don njidanmaile, eawane njine korop wet weku okane don raikoi, yale okanbi keu njino wiri wiri mi wakoniake. Njine korop qeturageu dereret njine wekuka payake, so wet weku okanikei.

<sup>11</sup> Kimakopne, Koloe wane tego enjano njine nei natne edo didiwo nolale rakoi, njinane keu njino njaba njaba pamaike.

<sup>12</sup> Na ramaile yemo iwa yale wane: Njinano njine nei weku weku enjine don mane mane ramami. Mane enjine ramaike, “Na Paulo wane.” me mane enjine ramaike, “Na Apolos wane.” me mane enjine ramaike, “Na Sipas wane.” me mane enjine ramaike, “Na Kristo wane.”

<sup>13</sup> Kristo kito pokeu magu loutne okange me? Paulo njinane ra more kibego qeu seukke me? Me njine Paulo wane enjetko doku taukoi me?

<sup>14</sup> Na detpe menanjmaike, yemo iwa yale wane, na njinano njine nei natne doku mi tau ongole, na weku Krispas so Gaius ka doku tau otkole.

<sup>15</sup> Manenjo iwa yale maine mi rayake, enjine nanjane enjetko doku tauke.

16 Na Stefanos wane tego eɲe welekatne doku tau ongole, ɲo ea wane ɲadino natne doku tau ongole eamo mi detmaile.

17 Doku tau onikalane Kristoɲo mi bira nange, midakaka! Kisi Mayakatne ea ra wakone edanikalane, so kepe ɲei dereretko ɲine don yewa mi edanikalane, yale okangole ra, Kristo kibego seukke eaɲo zonomine midaine okangirap.

### *Kristo Eɲe Anutu Wane Zonom So Dereret*

18 Kristo kibego seukke, ea wane don kisi yemo ɲeiwa Kristo mi malipka suike gemami, edo detpi qelanine okan okanmaike. Ɖo Anutuɲo ɲebu menaɲ ɲonge ɲene yemo detmaine, ea mo Anutu wane zonom.

19 Eawane Mitinjo iwa yale ramaike,

“Na ɲei dereret enerop, eɲane dereretene mapap kaikale, so ɲei kepe wane dereret eawane wetene lolotne eɲane wetene ma siukkale.”

20 Ɖo ɲei dereretene suaine eɲe diao arikei? Ɖei kepe wane dereretene suaine gemami, wetene lolotne, so Anutu wane kine detlukmami, eɲe diao arikei? Me kepe iwa wane ɲei sorin borin gorop gemami, eɲe diao arikei? Anutuɲo sikan ɲonmaike yemo kepe iwa wane ɲei eɲane dereret qelanine, ea mo wele midaine.

21 Anutu eɲe eɲine dereret inane masi yale maki kepe ɲei eɲe qelan qe more enɲene wet bonep enane Anutu mi detkakoi, ea wane, Anutu eɲe mo rake, ɲene kisi mayakatne ɲidanmaine ea “qelan don ramami,” det lukkamami ɲei yewa korop Anutuɲo ebu okan maike.

<sup>22</sup> Yuda ñei eñe masi togole maki kau qe-  
lananiakane sorin gemami, eso Grik ñei eñe der-  
eret marat kaikei wane zuanmami.

<sup>23</sup> Eso ñedo yemo ramaine, Kristo eñe kibego  
seukke ea welerop, ño don yewaño qeki Yuda ñei  
eñane dereret borike, ño Grik ñei edo detpi qelan  
don, wele midaine.okange.

<sup>24</sup> Ño ñei Anutuño ñedora newan ñonge, Yuda  
ñei so Grik ñei, ñene yemo detmaine, Kristo  
wekuku eñe Anutu wane zonom so dereret.wele.

<sup>25</sup> Welekatne, Anutu wane qelan rau, qelanine  
eaño qeinge more ñei dereretene yuan kamaike.  
So Anutu wane set pelek rau, set pelekine  
eaño qeinge zonomine togogole okane ñei eñane  
zonom yuan kamaike.

<sup>26</sup> Kimakopne, ñine iwa desikei, ñine daleo geu  
Anutuño ñidora newan ñunge? Ñinane keu ñino  
ñine ñei loutneño kepe iwa wane kine mane mi  
detkakoi, me ñei loutneño zonomene kakapa mi  
gekoi, me ñei loutneño eñet enerop mi gekoi,  
midakaka!

<sup>27</sup> Anutuño ma wakonge iwa yemo kepe ñei  
eñe “qelanine” rau mo don yewaño ñei dereret  
korop, eñe gamu oniake ea wane, so Anutuño ñei  
ñerep set pelek so gamuenerop ma wakon onge,  
iwa yemo kepe ñei eñe “set pelek” rau mo don  
yewaño ñei zonomene kakapa eñe zonomene ma  
ketki gamu oniake.

<sup>28</sup> Ñei ñerep diawa Anutuño eñane binjek ma  
wakon onge? Yemo iwa yale, kepe ñei rau yauine  
so ketkele, ñei ñerep eaka, Anutuño biraongi  
eñane binjek wele okanmami, masi yewaoka kepe  
ñei wane dereret qe ket mida lele siukeake.

<sup>29</sup> Okange, yemo iwa yale wane, ñei manenjo Anutu wane kaitko mi mawa naguyake.

<sup>30</sup> Njo Anutuño yemo ñebu teba ñongi Kristo Yesurop geturangone, pakiso Anutuño Kristo ñenane dereret zane kine birakake, enane ra more ñene Anutu wano bira ñongi ñene Anutu wane ñei ñerep magu koboboine okangone, sogine ñene sot korop gekone, ño naso iwao siwot ñone more birañongi, sot midaine gekene.

<sup>31</sup> Eso, ea wane Kisi Mayakatnenjo iwa yale ramaike, “Mane enje mawa naguwe ra Anutuño daleo okankake ea wane ma wakayake.”

## 2

### *Kristo Kibego Okorake Ea wane Kine Paulonjo Edange*

<sup>1</sup> Kimakopne, na Anutu wane san qabuine wele ea ñidanikalane ñinano sarikole, naso yewao na don kiroroina so dereret suaine ea ra mi ñidangole.

<sup>2</sup> Na ñinane keuo ge more na wetne maingewe paki yeye kine kine qeligewe niget nangi Yesu Kristo kibego seukke, enjeka weku detka kalane wetkekole.

<sup>3</sup> Eso na ñinano sarikole, naso yewao na zonomne midaki, kaet okanbe zonomne korop oreke.

<sup>4</sup> Pakiso na don rakole so Kisi Mayakatne ra qelanane ñidangole, ea na ñei dereretko ñine mi ma more ñidangole, so wet ñine maingeu paki nanane don desikei wane, midaka, na Anutu Asuinane zonom ea ra wakone sikan ñungole.

<sup>5</sup> Ea wane ŋinane wetŋo ŋei dereretko misuk motpi payake, midakaka! Anutu wane zonomgo motpi payake.

*Anutu Wane Asuŋo Dereret Ŋebon Okanmaike*

<sup>6</sup> Welekatne, na don dereret inerop ea wane kine ra wakone, ŋei mo Anutu wane zonomgo togole gemami, eŋe edan okanmaile. Ŋo eamo kepe iwa wane dereretine midakaka, me kepe iwa waremami eŋane zonom, eamo midaka. Zonom me dereret yewa mo kieke mida lele more siuk wareake.

<sup>7</sup> Na dereret pa ra wakone ŋidanmaile, yemo Anutu wane dereret sane, motkeki sanko pa sake, Anutu eŋe mo ŋenane qeli ewe zonom okani-akane mokaka kepe iwa mi ma wakonge yewao biŋek qeke.

<sup>8</sup> Kepe iwa wane ŋei waomine eŋe dereret iwa mane mi detkakoi. Eŋe ea mane detkakoi ra yemo eŋe qeli ewe zonom wane Waom kibego mi qeurap.

<sup>9</sup> Ea wane Anutu wane papiaŋo iwa yale ramaike,

“Yeye kine kine deŋo mi kakaine, me ketŋo mi dereretne, me ŋei wetene lotkeki mi detkoi, kine kine yewa yemo ŋei korop Anutu wetŋo qotka lukka more eŋane detpi wele lele okanmaike, ŋei yewa eŋane biŋek ebonge.”

<sup>10</sup> Ŋo ŋene yemo Anutu eŋine san qabuine kine eŋine Asuineŋo ra wakone ŋedange, Asuŋo yeye kine kine korop ka waremaike, so Anutu wane san qabuine kine qeirop ea yaleka kamaike.

<sup>11</sup> Ma ɲeiɲo ɲei mane wane wetinane kine desi-ake? I midakaka! ɲei wane eɲe eɲine wetino metmaike, oɲomka eɲane kineine det kamaike, rokop yale waka ɲei manenjo Anutu wetinane kine mi desiake, Anutu Asuinenjo ka weku Anutu eɲine wetinane kine korop det wareake.

<sup>12</sup> ɲene Asu pa ɲebonmaike, iwa mo kepeo ɲei eɲano ɲine mi makone, ɲene Anutuɲo Asuine ɲebongi makone, ea yemo Anutuɲo ɲene kine kine korop ɲebonge, ea wane maine detluk kaike-nane okan ɲonge.

<sup>13</sup> Eso ea wane ɲene kepe ɲei dereretko ɲine don mi ra ɲidanmaine, midaka! ɲene Asuɲo dereret ɲebonmaike, paki, ɲene don wele ea wane kine ra qelanane more ɲei Asurop gemami, eɲe edanmaine.

<sup>14</sup> ɲei mane Asu midaine geake eɲe Anutu wane Asu eɲano ɲine bakom sarimaike, ea mane mi mayake. Onoka wane ɲei yaline eɲe don ea wane kine welekatne mi dere qelan kamaike, ea wane, pakimo don yewa detki qelan don wele midaine okaniake, eamo, Asurop ɲoku dereretne okanmaike.

<sup>15</sup> ɲei Asurop eɲe yeye kine kine korop dere we-sakkei, ɲo ɲei Asu midainenjo ɲei Asurop eɲane kine maine mi desiake, ɲaɲaeyake.

<sup>16</sup> Ea wane Anutu wane Papienjo iwa yale ra-maike,

“Maɲo Waom wet bonepinane don detmaike?  
Maɲo eweke more Anutu numa sikankaki  
desiake?”

ɲene Asurop, yemo Kristo wet bonepinane don ma gemaine.

### 3

#### *Anutu Wane Qelit Nje Eje Doku Tautau*

<sup>1</sup> Kimakopne, na njei Asurop eje don edangole, yale njeine don mi njidangole, midakaka! Na don njidangole yemo njeine kepe iwa wane njei Asu midaine eda edane yale njeine Kristo wane njei njerep medep okanbi njidangole.

<sup>2</sup> Na namuka gume njungole, njara togole mi njibongole, onoka wane, njeine njara togole nekei wane rokop mi okangoi, so naso iwao yaleka njeine njara togole nekei wane kop mi okanmami.

<sup>3</sup> Onoka wane njeine kepe iwa wane njei yale, Asu midaine, wet dereret njeine soginerop gemami, ea wane dere worik keu njino paki njeine njidomka sori sorin okan nagumami, Njeine tanik yale okanbi, eaño kine qe wakonmaike, yemo njeine kepe iwa wane njei yauwine okane more ea wane zonom so dereret korop gemami.

<sup>4</sup> Ea wane, njei mane eje ramaike, “Na Paulo wane njei,” eso mane eje ramaike, “Na Apolos wane njei,” njeine yale okanmami, wane kepeo njeine njei yauwine yale gekei me?

#### *Anutuño Mosopkaki Wele Wakonmaike, Ejaneka Raikene*

<sup>5</sup> Apolos eje ma? Njo Paulo na ma? Njere Anutu wane qelit njeika, njeto miti njidante njeine detkoi, njere Anutuño urata njeponge ea wane rokop bonep bonep makote.

<sup>6</sup> Na waet ebotkole, njo Apolosño njara wele ware more doku qakonge, njo Anutuño mosop kaki wele wakonge.



<sup>7</sup> Ea wane waet ebotke enjane, me njara wele ware more doku qakkake, enjane mi raikene. Mosop kaki wele wakonmaike Anutu weku enjaneka raikene.

<sup>8</sup> Waet ebotmaike, nej yewa so njara wele ware more doku qak kamaike, nej yewa ere kine etne wekuka. Anutuño ban urata mama etnane rokopko lewine bonep bonep mapoke eponiake.

<sup>9</sup> Nere urata mama nejño Anutu wane urata qeturage mamaite. Eso njine yemo Anutu wane eu, so njine Anutu wane mat, mo onjom ma wakonjunge.

### *Gerepño Urata Wane Kine Maki Wakoniake*

<sup>10</sup> Anutuño wet pese inane urata more ninge, rokop na mat mama welenjo simen bosinj birawe ketke. Pakimo nej manenjo simen bosinj ea wane kutno takotke more mat mamaike. Nei ea wane kutno mat daleo maikai, enje kauluke detluk nagu more maikai.

<sup>11</sup> Anutuño simen bosinj weku Yesu Kristo, mo bira kaki ketke okoramaike, ea lokake bira more nej manenjo koso bosinj pelekine mane musele biraki ket ket eamo mi pamaike.

<sup>12</sup> Nei natnenjo ban gol, me silwa, me wesi lewine suainenjo bosinj ea wane kutno mat maikai, ea welerop, me natnenjo eki, me seqa, me rais setnenjo mat maikaiwo, ea wele midaine.

<sup>13</sup> Yemo nej mat mama enjane kine ban njado Kristo wane Kaiwe Naso bomileki, kineze yewao didiwo wakongi kaikene. Kaiwe Naso yewa wane gerepño lawe more nej urata mama enjane kine qe wakoniake. Gerep yewanjo ban urata ea

liwekkaki paki ea wane weleine maine me mida yewa sikan ñongi kaikene.

<sup>14</sup> Ñei simen bosin yewa wane kutno mat make ea gerepño ze ari yuankaki mesiakeo urata ñei yewa eñe ban gege togon so lewine mayake.

<sup>15</sup> Ño mane eñe mat urataine make ea gerepño ze wareki midayakeo, eñe urataine mo yewa mida leleyake. Ño ñei eñine yemo siluñ ban sese kayake. Seseka more gerepko ñine makokka, gege togon marat kayake, ño lewine mi mayake!

<sup>16</sup> Welekatne, ñine Anutu wane Bakom Urum, ea wane Anutu wane Asuño koto ñino gemaiké, ea ñine mo detmami!

<sup>17</sup> Yalinane ñei mane eñe Anutu wane Bakom Urum yewa matali kayakeo, Anutuño ñei yewa eñe yaleka matali kayake, Anutu wane Bakom Urum yemo koboboine, eso Bakom Urumine yemo ñine.

### *Ñei Mane Eñetne Ora Misuk Mawakaikene*

<sup>18</sup> Ñei mane oñomka misuk isi naguyake, ñei mane ñinane keuo ñine eñe kepe iwa wane tanik manik ea mogare geake paki wetineño, “Na ñei dereretne weneñ,” yale wetkeakeo, eñe mikepka dereret ea qelige more ñei qelan okaniake, yale okane more dereret wele marat kayake.

<sup>19</sup> Onoka wane, kepe iwa wane dereret eamo Anutu wane deino yemo qelan masi okan okanmaiké. Ea wane Anutu wane Papiño iwa yale ramaiké, “Waom eñe ñei masi borikinane dereret suaine ma gemami, ea eñe koso Waomño maingeki enñene edot okanmaiké.”

<sup>20</sup> So Anutu wane Papiango mane iwa yale ramaike! “Waom eje kepe jei dereret enerop enane wet dereretene detki wele midaine okanmaike.”

<sup>21</sup> Ea wane, mane eje jei mane misuk ora ma wakayake, midakaka! Njine njindanbe detpi menageake, yeye kine kine kepo pamaike, ea korop mapit njune more Waomngo motke.

<sup>22</sup> Iwa yale wenen, Paulo, me Apolos, me Petoro, me kepe iwa, me gege, me seuseu, me yeye kine kine iwa pamaike, me kine kine ban njado wakoniake, yeye kine kine iwa korop njinane mali malip mapit kayakane binjek Waomngo motke.

<sup>23</sup> Eso njine yemo Kristo wane binjek, no Kristo eje Anutu wane binjek.

## 4

### *Waom Eje Kisi Mayakatne Rara Enane Kine Mawakoniake*

<sup>1</sup> Njine njerane, na so Apolos detpi Kristo wane urata jei, so Anutu wane Don Sane Wele ea wane ware wareine okanikete.

<sup>2</sup> Ware ware eje koboboine geki paki suaine inane urata wele ka more kauluk qeuluk mayakane ra mange.

<sup>3</sup> Na, nae wane yemo iwa yale, njido me jei magu natnejo nanane gegenane kine rau na ea detpe wele mi okaniake. So na nonom kinene yaleka maine mi rakale.

<sup>4</sup> Na wetne ululun pamaike, sotne mane mi paki detmaile, no silun na yale rawe eaño na welekatne sotne midaine, ea wane kine mi qe

wakonmaiike, na noŋom “sotne midaine,” yale rawe mi kopkeake. Waom oŋom naŋane kinene ma wakoniake.

<sup>5</sup> Ea wane ŋine nasoine mi bomileki kine ma wakon ma wakon wane kukka mi okanikei. Ŋine siluŋ kine ma wakon ma wakon weleine Waom tomaka mageu sariake. Sari more Waom oŋom yeye kine kine sane korop panaman koto siuke pa waremaiike, yewa baŋ qe wirikki didiwo wakon wareake. So ŋei eŋane kotoeno kine kine siuke san pamaike, yewa korop ma wakon wareake. Pakimo, Anutuŋo ŋei korop rokopene detongi paki ea wane kop baŋ ŋei bonep bonep mawa one more bakomene kitoyake.

### *Korinti Ŋei Eŋe Wawaine Zok Okangoi*

<sup>6</sup> Kimakopne, na ŋinane dereret qesiŋka more nae so Apolos ŋetsane koso takotke more don iwa yale ramaile, ŋine ŋerane kine kau paki detluka more Kisi Mayakatnane “gege wane numa mayakatne miti don sogine raraine,” kop ea misuk yuane more wawaine okane ŋei mane wane detpi waki mawa kaikei, eso mane wane detpi ketki ma ket birakaikei.

<sup>7</sup> Ge maŋo, ŋei yuanone more suaine gekenane ra biragange? Ge yeye kine kine korop ma gemaine, yewa Anutuŋo mi ginge me? No ge Anutu wano ŋine kine kine mane wele ea welekatne makoneo, mo ge onoka wane detnom mi ginge yale okangi mo mawa nagumaine me?

<sup>8</sup> Ŋine wetŋineŋo mawa nagu more ramami, “Nene yeye kine kine mayakatnane mi ŋaŋaemaine, ea mo korop ma ge waremaine!

Ñene mo abonj morian gorop okan waremaine! Ñene mo ñei waomka okan waremaine, ño aposolo, ñine yemo mida! Maine, ñene welekatne ñei waom ka okan waremaine” Na yaleka ramaile ea welekatne ñene ñinerop wenej ñei waom okanjem rap me?

<sup>9</sup>Yale mida! Na kamaile, Anutuño Aposolo ñene ñei sinoine yaline qelanj ñei enjane keuo birañone yale okanmaike, ñene ñei yauine seuseu wane biñek ra bira onmami, yaline, birañonge, pakimo, kepe banjem ñei korop, so añelo enjane deeno ñenguwi seukkenane okanmaine.

<sup>10</sup>Ñine wetñineño mawa nagu more ramami, Kristo wane ra more ñine, aposolo magu, ñei qelanjine okanmami, ño ñine Kristo wano takotkenjem paki, dereretze korop okanmaine. Ñine setñine pelelekatne, ño ñenze yemo zonomze togogole! Ñene enjet biñekzerop, ño ñine, aposolo, yemo ket qeqine.

<sup>11</sup>Ñene ñara zane seukkone ño seuke gemaine, so doku zane qomze sererekkenjo sererekmaike, ñene takot laplap midaine gemaine, ñengu matali qetali okan ñonmami, mat urumze midaine lobo lobo gekone so gemaine.

<sup>12</sup>Ñene ñenze qesinj nagukenane metezenjo urata togole ma okanmaine. Eñe mabaik ñonbi ñene qesinjone more mosopon okanmaine. Eñe matali qetali okanñonbi ñene turuñene qelinj okanmaine.

<sup>13</sup>Eñe don borikine ñedanbi, ñene kimao don pelekine edan okanmaine. Ñene kepe banjem enjane sino yale okangone gemaine. Ñene ñei korop enjane kaitko yale okane, ge sakone ge sari

magenjem, ukude naso iwa okanmaike.

<sup>14</sup> Na don iwa njinane qemaile, ea mo detpi gamu njuniakane midakaka! Njine nanane medep maepkopne okanikei wane wetjine kito wirike njidanmaile.

<sup>15</sup> Ea wane welekatne njine diam gege kop njine anjelo 10, 000 mane ge more gege njine warekau Kristo wano payakeo, yemo silun njine maga njine yale waka weku geake. Njo silun njine magakopnjine loutne midaka. Ea wane mo njinane gege njinejo Yesu wano pamaike. Na Kisi Mayakatne njinano ma sari njidangole, yewao na njinane maganjine okangole gemaile.

<sup>16</sup> Pakimo nonjo numa gesoke okangole, yewaka mogare okanikei wane qebin njunmaile.

<sup>17</sup> Ea wane rawe paki na Timoti birakawe njinano uke. Nanane medep maepne, na enane zok nan okanmaike so ene Waom wane urata maine mauluke ma okanmaike. Onjo ban wetjine qe wirike more nonjo Kristo Yesu wane numa ea mogare ari doku tau tau magu korop mat banjem ra edan okan okanmaile, ea wane numaine njidangi desikei.

<sup>18</sup> Njinano njine natne wawainenerop ene Paulo mi sari njoniake nanane yale rau paki raki ra okangoi.

<sup>19</sup> Na yemo welekatne Waomjo detki mi azongji njinano ukale, numaze raki ra okan okanmami, ene don ra okanmami ea mida, zonomene ea wane denenjoka kine ma wakonikale.

<sup>20</sup> Anutu wano njine numa ea wane kine yemo donjoka raki ra wane binjek, ea midakaka. Ene

zonom so togole togoleo kine wakon okanmaike.

<sup>21</sup> Pakimo ñine nanane daleo ramami? Na ñinano kumunam gorop ukale me momoine wet menago pesekine ukalane ramami?

## 5

### *Mado Madoñine Wakone Pake*

<sup>1</sup> Ñinane keu ñino borikine mado madoñine ñerep kobu wakonge pamaike, yale rau det okanmaile. Borikine manerop, qelañ eñano mi wako wakone. Ñei manenjo magainane ñanom inerop maki gemamik.

<sup>2</sup> Pakimo, ñine onoka wane kine kine yaline wakone paki wawaine zok okan okanmami. Ñine qom borik dere more ñei masi ea okange eñe qeliñkau rap me?

<sup>3</sup> Na solanenjo abaran gewe paki asunenjo mo ñinano lotke, ñei mado madoñine okange, eñane don keu ñino noñom solarop ge more qou mo rakok kakole.

<sup>4</sup> Ñine Waomze Yesu wane eñetko wekuoka qeturage lewageu na Waomze Yesu wane zonomgo asunenjo ñinerop wenenj mesikene.

<sup>5</sup> Pakimo ñine ñei yewa solaine Satan sunka manbi qe mataliki wetine zingeki, borikineine ea kaki paki koso solaine zinge, magu koto takotkeki rap. Eso oña oñaine yemo banj gemage, Waom Yesu wane Naso yewao seseka more ma qeliwo birakaki rap.

### *Kine Kine Tabaine Qelige Nenine Magekene*

<sup>6</sup> Ñine wawaine okanmami, yewanjo maine mi okanmaike! Yis nigagatne yewanjo maki palawa

korop yewa sua piwiwige wie bret okanmaike. Don yewa raraine, ñine mi detmami me?

<sup>7</sup> Ñine yemo palawa yisine midaine yale, ea wane ñine yis sogine borikine sot korop yewa ma birau ariki ñine bret musele libeka okanluke yisine midaine maine gekei. Onoka wane, Ñenane Lama seseñone yuan ñoniakane soe soep mo qekoi, yemo Kristo.

<sup>8</sup> Ea wane ñene peadaine mesikenane yis sogine, borikinane sot korop, yis so tanik manik qotkoine, yewa qeliñ ware more, bret yis ine midaine, bret kilu kilutne sot midaine so wele yewarop gekene.

### *Borikine Mama Qeli Ñonikene*

<sup>9</sup> Na kibi mane qekole, yewao iwa yale rawe paki qe ñibongole, ñine ñei wa bailalañ okane more ñerep ebu okanmami, eñerop kine kine ne amanagu so weneñ misuk gekei.

<sup>10</sup> Na rakole yemo kepe iwa wane qelañ ñei korop bailalañ okane more ñerep ebu okanmami, me kine kine nugunge okanmami, me bailalañ okane ñei natne eñane yeye kine kine kobu ma okanmami, me waom isisine mageu paki qelitine qe okanmami ea qeliñ warekei wane mi rakole. Ñine qelañ ñei ñerep iwa qeliñ warekei wane mi okaneso, ño eñane masi tanik qotkoine qeliñ kaulukei.

<sup>11</sup> Na kibi qe ñibongole, yemo kine iwa yale wane, ñine ñei mane eñe “na doku tau tau magu gemaile,” rayake, ño eñe bailalañ okane more borikine mayake, me qomine riweki ñei mane wane yeye mane mayake, me waom isisinane



qelitrine qeake, me ewe mabaik okaniake, me wet siuk doku neake, me eje nei mane wane yeye kobu mayakeo yemo n̄ine nei yaline qelinkau paki enerop n̄ara ne amanagu misuk okanikei.

<sup>12</sup> Ea nanane urata wane nei qelan n̄adine gemami, en̄ane sot don non̄o raikale me? N̄ine n̄in̄ine keu n̄ino sigi maep dere kotino gemami en̄ane sot don mi raikale me?

<sup>13</sup> Nei qelan n̄adino gemami, en̄ane sot don yemo ban̄ Anutu n̄o rayake. Ea wane Waom wane don mane iwa yale ramaike, “N̄ine nei borikine mama ea keu n̄ino n̄ine esop kau saket ariake.”

## 6

### *Doku Tautau Mane n̄o Kimaine Mane Qelan En̄ano Dongo Misuk Birakayake*

<sup>1</sup> N̄inane keuo n̄ine nei mane kimainerop don sotetne payakeo, eje miti nei n̄etne en̄ano ari don mi rara, eje ware ware qelan̄ine en̄ano don ma ari raki menageake me? Mi kopkemaikale.

<sup>2</sup> Anutu wane sigi rara nei n̄edo gemage kepe ban̄em nei korop en̄ane don rakokkene, ea mi detokanmami me? Eso gemage kepe ban̄em nei korop en̄ane don n̄ido rakokkeiwane pamaikale, n̄in̄ino don kaki nigatne yaline wakongi n̄idomka rakokkei wane, rokop mi okanmami me?

<sup>3</sup> N̄edo Naso Suaino an̄elo en̄ane don ban̄ rakokkene, n̄ine yewa mi detmami me? N̄ene en̄ane don ban̄ rakokkene. Ea wane mo n̄ene kepe iwa wane gege mage wane done maine rakokkene! N̄enze kine qelan̄ edo maine mi rakokkei.

4 Ea wanemo njinano kepe iwa wane don yawwine mane wakonmaikeo njine onoka wane don sot yewa ma ari nei qelanine enetene doku tautau maguo mi pamaike enano motpi edo don sot yewa rakoke njibon okanmami me?

5 Na don iwa rawe detpi gamununiake. Welekatne njinano don sot dereret nei mane mi gemaiké me? Pakimo don sot njine wakongi enano ma ariu onjo ra koboe njibongirap.

6 Yale okanikei, yemo maine, jo njine nei kima mane ene kimaine mane njabaka more dongo birakayake, pakimo ene nei mali malipene midaine enane kaiteno okora don raki don sotine rakoke manikei, masi ea mi menanmaike.

7 Njine don sotnjinane kima njidomka qelan masi dongo bira nagu okanmami, yale okane njine mo peleke ket gemami, onoka wane qeligeu ene masi borikine maine okannjunbirap? Onoka wane qeligeu ene kine kine njine kobu maine maurap?

8 Njine yalewa okanikei, yalemo koso njine njidomka masi borikine okannagu okanmami, so kine kine njine kobu ma auye modatnagu okanmami, nei yawwine njoku midakaka, silun miti dereret kimakopnjine wenenj yale okanon okanmami.

9 Borikine mamaño Anutu wane gege togon mat kotino wake waket yemo mi pamaiké. Njine don iwa mi det okanmami me? Njine wetnjinejo misuk isinagukei. Nei wenip ma okanmami, me waom isisine enane don teweke ma ge okanmami, me nei njanowekopene qelinone njerep natne ebu okanmami, me nei natne nejnoka njerep yale borikine au okanmami,

<sup>10</sup> me nei kobu mama, me wetŋo nei enjane aboŋ kine kine enane bailalaŋine wetke ma ge okanmami, me wet siuk doku ne more qelaŋ qeŋe, me ewe mabaik don ra okanmami, me nei engu matali one mat kito barake aboŋ kine kine kobu ma okanmami, nei yaline korop enj Anutu wane geŋe togon qeli mat kotino mi wakesikei.

<sup>11</sup> Ninanoŋine nei natne alakan yaline okane gekoi, ŋo iwa yemo sot borikine ŋino ŋine mo saukŋunge, so wetŋine ma qelaŋane Anutu enjine biŋek ŋibuke. ŋine mo nei koboboine enj et ea makoi, yemo Anutu zane Asuŋo Waomze Yesu Kristo wane ramore yale okanŋunge.

### *Solazeŋo Anutu Ewine Kitokene*

<sup>12</sup> Nei natne enj iwa yale ra okanmami, “Yeye kine kine ea nae simile korop na maine okanikale.” Don ea maine ramami, ŋo siluŋ yeye kine kine korop yewaŋo ge maine mi qe-siŋgangi geulukene. Ge kine kine ea korop maine okan warekene, ŋo yeye natneŋo ge nei waom okan gangi enjane qelit qeŋe yemo mayakatne midakaka!

<sup>13</sup> Welekatne, nei natne ramami, “Ŋara osomŋo gom wane biŋek, ŋo gomŋo ŋara osom wane biŋek.” Ŋo baŋ gemage, Anutuŋo eretnarek matali otki siuke mida lelekeik. Sola yemo bailalaŋ mama wane biŋek midakaka. Yemo Waom wane qelit qeakane biŋek. Ŋo Waomŋo yemo sola wane welaine.

<sup>14</sup> ŋine maine misuk niget ŋuniake, Anutu ŋo Waom Jesu seu seuoŋine ma wisikae kaki

wieke, yalewaka nene ban enjine zonominejo ma wisikae nioniake.

<sup>15</sup> Njine solanjine yemo Kristo wane sola piwitne, yewa mi detokanmami me? Pakimo na solane Kristo wane sola piwitne yewa maine birakawe bailalan mama wane qelit qeake me? Yale midakaka!

<sup>16</sup> No njine qelan geu paki iwa yale raokanbi, “na maine wenip njerep mane yaup maine maikale,” yewa korop zok midakaka. Na ramaile, ea enjine sot korop okanmaike. Waom wane deino njire wenip njerep mane enjerep qeturanbit paki ere solanjitne weku okangeit. Numaine mi pamaike, ea mo sot korop okanmaike. Ea wane Anutu wane miti dongo iwayale qeqine: “Nao njanom ere etkenjo weku okane gekeik.” Njine wawaine makei, nao njanom matalimami.

<sup>17</sup> No mane enjine onjomka Waom wano makatakki ere asujo weku okangeik.

<sup>18</sup> Njine wenip yauyaup mama yewa kakakon warekei. Nei mane enjine borikine natne korop mayake enjine solaine tewino okanmaike. No wenip yaup qazan mayake yemo kotine so solaine wenenj matali kayake.

<sup>19</sup> Njine solanjine yemo Asu koboboinane urum. Enjine sola njinane kotino mere kito okane geakane, Anutujo more njibonge, yewa mi detmami me? Njine sola so koto welaine midaka. Anutu weku onjo welaine

<sup>20</sup> Njine mo Anutu enjine lewine kakapa suaine yewano qolenonge, ea wane urata kine kine korop ma okanmami njine sola so kotonjinejo Anutu enjine ora mawaka more ewine kitokei.

# 7

## *Nao Njanom Eņane Don*

<sup>1</sup> Njine kibi more nine don wane qeson nangoi, ea wane mo iwa rawakone njidanbe detpi.

Njine mane njerep midaine gewe ra, maine geake,

<sup>2</sup> njono silun borikinane liwe liwekine zok manerop pamaike, ea wane njine bonep bonep ene njanomine mayake, eso njerep bonep bonep ene yalewaka njane mayake.

<sup>3</sup> So njine ene solaine njanomine mi ma wuluke maniake, eso njerep ene yaleka, solaine njane mi mawaluke maniake.

<sup>4</sup> Njerep njomka solainane ware ware mi gemaika, midaka, njine weneņ gemaika, rokop yalewaka njine njomka solainane ware ware mi gemaika, njereņ weneņ gemaika.

<sup>5</sup> Ea wane njano njanom njine sola ma waluk ma waluk qazan misuk okane more mane solaine mawaluke maniake. Welekatne menjemenen wane ewekeu paki yemo lewine done auye dere more naso bamgo motpi paki tau qe more menjenkaiki. Qoeki koso solanine qeturangei yemo maine. Naso midaine qazazanka okane solanine mi mauluke warekau Satanjo yewao takotke more liweknjuniake.

<sup>6</sup> Na don iwa ramaile, yemo njidom remi ea wane mo wetpeseko njidanmaile. Na ratogole njibone more mi ramaile.

<sup>7</sup> Nanane simile yemo njine njerep korop njine na gemaile yale geurap. Njono silun njine bonep bonep ene Anutuņo wet maep okane ebonge, njine mane ene njerep midaine qaluwit geakane raki

ea menageake, ʊo mane eʝe ʊao ʊanom geakane Anutu ra mangi, eʝe earop geki menageake.

*Nei Qaluwit, Mala So ʊao ʊanom Eʝane Don*

<sup>8</sup> Nei qaluwit so ʊerep natawen so ʊerep mala eʝane yemo na iwa yale ramaile, eʝe na gemaile yale okane ʊao ʊanom midaine geu menageake.

<sup>9</sup> ʊo eʝe kotoene so solaene mi mauluke ware kaikeiwo yemo eʝe siluʝ ʊao ʊanom gorop okane geki. ʊaorop ʊanom gorop okane more gege yewaʝo mayakatne, yewa midaine yemo bailalan wane qom ʊine zok riweake.

<sup>10</sup> ʊo ʊao ʊanom ʊinane don rawe detpi. Ea nanane don mida, iwamo Waom wane don. Iwa yale, ʊerep mane eʝe ʊaone misuk qeliʝka ariake.

<sup>11</sup> Me ʊaone mo qeliʝka arikeo, yaup ʊei midaine geake. Me midao yemo eʝe koso ʊaonano ariki kima okane gekeik. Eso ʊei eʝe yaleka ʊanomine misuk qeliʝkayake.

*ʊao ʊanom Amego Gege Wane Don*

<sup>12</sup> ʊao ʊanom natne ʊinane don iwa rawe detpi, Waom wane don misuk okaniake, yemo nae don okaniake. ʊao ʊanom sogine qelan geu paki so ʊei ea miti doku tau tau taukake, ʊei ea eʝe ʊanomine qelan geake, eso ʊerep yewaʝo ʊei waerop geakane kaki eʝe misuk qeliʝkayake.

<sup>13</sup> Me doku tautau ʊerep mane yalewaka eʝe ʊaune qelan geake, eso ʊei yewaʝo ʊereppaerop geakane kayakeo, eʝe misuk qeliʝkayake.

<sup>14</sup> Onokawane ʊaone ʊei qelan eʝe ʊanomine doku tautau wane mosop ʊo eʝano mo wake, so ʊanomine ʊerep qelan eʝano ʊaone doku tautau wane mosopʝo mo eʝano wake. Pakimo ea

wane ra more gipon borasokopene eje mosop korop okangoi gemami. Yewa midaine ra epane dokoene eje qelan geurap.

<sup>15</sup> No nei qelan manejo nanomine doku tautau nerep yewa qelanjo qelinawe ra maine qelin kayake. Masi yaline wakoniakeo, yemo doku tautau kimanine yewa naone me nanomine ere mulaune midaine okanikeik, ea wane Anutujo peamgo kima kima okane gekenane nedora newan nonge.

<sup>16</sup> Nerep; ge naonone miti numao waran kanom ariake me mida, me ge daleo detmaine? Nei, ge nanomone miti numao waran kanom ariake me mida, me ge daleo detmaine?

*Mane Eje Alakan Okorake, Okora Okora Yewaoka Mitiwo Okorayake*

<sup>17</sup> No midao yemo mane eje Waomjo urata ra mange so mane eje gege ma wakone mangi geki Anutujo ora newankake, rokop weku yewaka mitiwo geake. Na don yale rawe paki mat banem doku tautau magu ra edan okanmaile.

<sup>18</sup> Nei mane solaine peitne kita kitatne geki, Anutujo ora newankake, eje yale okangeo, yemo solaine peitne kita kitatne ea wane lopot yewa misuk ge susuakki siukeake. No nei mane eje yaup geki Anutujo ora newankake, eje yaup gekeo, yemo eje solaine peitne misuk kitasiake.

<sup>19</sup> Onokawane, sola peitne kita kitat me mi kita kitatne yewano wele mi okanmaike, Anutu wane don dere teweke mage mage yewano wele.

<sup>20</sup> Mane eje urata mane ma geki Anutujo ora newankakeo, eje urata yewaoka ma geake.

<sup>21</sup> Ge qelit qeƣe genom, Anutuŋo gora newan-gange, ge ea wane dere mezet misuk okanikene. No ge qelit qeƣe urata yewa yeine qelingene numaine wakon maikeo, siluŋ qeligenom.

<sup>22</sup> Mane eŋe qelit qeƣe ŋei mane eŋane urata ma geki Anutuŋo ora newankake, eŋe Waom wane ŋei yaup geake. Rokop yalewaka mane eŋe yaup geki Waomŋo ora newan kake eŋe Kristo wane qelit ŋei okanmaike.

<sup>23</sup> Nŋine Anutu eŋe lewine kakapa suainenjo sotŋine qekok ŋuŋane ŋei eŋane borikinane mulapko qelit qeƣe misuk okane gekei.

<sup>24</sup> Eso kimakop, mane eŋe alakan miti dere ma geki Anutuŋo ora newankake, tego yewaoka naso iwao okora more Anutu wano makatakeake.

### *Medep Qaluwit So Njerep Natewen Eŋane Don*

<sup>25</sup> Natewen qaluwit eŋane yemo na Waom wano ŋine eŋane don mane mi ma gemaile. No siluŋ nae wetnonŋine don ŋidanbe. Waomŋo wetpesek okan nangi aŋa tewe tewek korop okangolane donne rawe ŋine maine dere malipkaikei.

<sup>26</sup> Naso iwao umat zok wakom okanmaike, ea wane na wetkemaile, yemo ŋei eŋe njerep midaine mayakatne gemaile, yalewaka geake.

<sup>27</sup> Ge njerep biŋekŋone mo qekoi me? Eso ge qelinŋaikenane misuk desikene. Ge mete kobek gemaine me? Eso ge njerep maikenane misuk desikene.

<sup>28</sup> No ge njerep mo mamaineo, yemo manom borikine mi okaniake. Eso njerep natewen mane eŋe ŋei maki eaŋo borikine mi okaniake. No ŋei njerep eŋe ŋao ŋanom okanikeiwo yemo siluŋ



kepe iwa wane umat suaine ban kuteno wayake. Na tanik yewaŋo ŋinano wakoniakane mi nanmaike.

*Naso Bomile Maikane Yewao Me Yewao Misuk Makatakkene*

<sup>29</sup> Na iwa yale wane ramaile, kimakopne, Naso mo bomilemaike. Eso naso bango pamaike, ea wane ŋei ŋanom gorop ge okanmami, ŋine geu gegeriŋeŋo ŋanom midaine gemami, yale okaniake.

<sup>30</sup> Eso arok okanmami, ŋei yewa ŋine geu aro midaine gemami yale okaniake. So batneka ge okanmami, ŋei yewa ŋine geu batneka mi gemami, yale okaniake. Eso aboŋ kine kine qole ma ge okanmami, ŋei yewa ŋine geu aboŋ morian midaine gemami, yale okaniake.

<sup>31</sup> So kepe wane aboŋ kine kine ea wane urataine ma ge okanmami, ŋei yewa ŋine geu kepe wane aboŋ kine kine mi malipka gemami, yale okaniake. Onokawane, kepe iwa pamaike, eŋe yalineka mi pa ariake eŋe siuke mida leleake.

<sup>32</sup> Na ŋine yeye kine kine yauwine ea wane dere mezet mi okanikei wane nanmaike. Ŋerep midaine ŋei yewaŋo Waom wane urata miti woken ea wane dere mezet okaniake. Paki Waom ŋo detki menageakane rayake.

<sup>33</sup> Ŋo ŋei ŋanom gorop eŋe yemo sola okengo kepe iwa wane tanik manik ea wane dereret geake, eamo ŋanomineŋo detki eŋane menageake ea wane yale okaniake.

<sup>34</sup> Yale okangi wetine wiriake. Eso ŋerep ŋaone midaine me natewen mane eŋe yemo miti woken kine kine ea wane wetkeake paki, koto so sola

koboboine Waom wano motki payakane desiake. No n̄rep mane n̄aonerop̄no yemo sola okengo kine kine, kepeon̄ine ea wane dereret okaniake. N̄aunen̄o detki en̄ane menageake ea wane yale okaniake.

<sup>35</sup> Na don iwa yemo n̄in̄ine qesin̄unbe maine geu lukkeiwane ramaile, qik̄n̄unbe paki midaka. Wet dereret n̄ine qeturageu Waom wano koropka okoraki gekei, paki mo yeye manen̄o wet dereret n̄ine tebaki yau yaup mi ariake.

<sup>36</sup> So n̄ei mane so n̄rep bin̄ekine raumo, n̄rep so n̄ei ere maine zokit mi makeit, waom wane qelit qe ge more urataine mogasikeik, ea menan̄maike. Bañ n̄ei yewa n̄rep wane siminkaki so en̄e maine n̄anomine mayake, ea sot midaine.

<sup>37</sup> No n̄ei mane en̄e wetinen̄o iwayale ra togoleake, n̄rep mi mayake yaup geake, yale wetkeki paki detki mi qekayakeo, en̄e eweke more qaluwitka geakane ra togoleki menageake.

<sup>38</sup> Ea wane n̄ei mane en̄e n̄anominerop zokit maki menageake. Eso n̄ei mane en̄e n̄anomine midaine zokit mi maki yemo menan̄ lukeake.

### *N̄rep Mala En̄ane Don*

<sup>39</sup> N̄rep mane en̄e n̄aone qelin̄ka more koso n̄ei mane misuk mayake, eso en̄e n̄aone seukmaikeo, yemo en̄e koso n̄ei mane mayakane similekaki en̄e maine mayake. So en̄e yau yaup okane more midakaka, mitiwo Waom wano doku tautau numa yewa mogare zokit mayake.

<sup>40</sup> No nan̄ane wet yemo n̄rep en̄e yaup gemaik̄e yale wetpesek dere maine geake. So na detmaile yemo na yaleka Anutu wanon̄ine Asu ma gemaile.

## 8

*Lopio Wane Soe Soep Mit Mit*

<sup>1</sup> Na iwa lopio wane soe soep mit okanmami ea wane rawe, ñine natne wawaine ra okanmami, iwa yemo “welekatne, ea wane ñene mi ñaṅaemaine, ñene koropño kineine det waremaine ñene kine kine korop nekene” Eso kine dereret wane ka yemo sola mawa mawa wako-  
niake. Ño miti wane wet maep korop ge more eṅe rau soe soep ea mi nekene, yemo wetño malip nagu more togolenem paki, ñei wele okane gekene.

<sup>2</sup> Mane eṅe dereretinane detki waki kine kine detwaremaile ra wetkeakeo, ñei yewa eṅe dereret wele mi pa man maike.

<sup>3</sup> Ño mane eṅe Anutu wet maep okan kayakeo Anutuño eṅe detkayake.

<sup>4</sup> Eso lopio wane ñara soep mire mane more ne okanmami, ea wane ñene iwa yale det okanmaine. Lopio eṅe yeye wele mida, eṅe oṅa oṅa tewine, iwao Anutu loutne midaka, weku gemaiké, iwa ñene detkamaine.

<sup>5</sup> Onokawane, yewao kine kine loutne eṅe “anutu isisine” “lopio” oramami so “waom isisine” lopio oramamiwo, yemo Anutu isisine so Waom isisine zok loutne kepe banjem so qeliwo pa arimamiwo, yemo welekatne.

<sup>6</sup> Ño ñenane yemo Anutu wekuño ge ñebonmaike, eṅe Magaze. Eṅanoṅine yeye kine kine korop wakon ware pamaiké, so ñene eṅaneka gekene. So Waomze wekuku ge ñebonmaike, Yesu Kristo, eṅane aṅaineño raki

ņene so yeye kine kine korop wakon warekone, so ņene eņane ramore gekene.

<sup>7</sup> Ȧo siluņ ņei natneņo miti don wele iwa wane kine mi detluk okanmami. Eso ņei natne yalineņo “anutu isisine” “lopio” yewa eņe yeye mane wele yale ra sa gemageu, wetene makane naso iwao eņe ņara soep yaline neu paki wetkeu ņara soep yewa lopio wane okangi ewine kito more ne okanmami. Eso wetene mi qelaņangi ne okanmami, wane neu kotoene kitoki sigile okanmaike.

<sup>8</sup> Ȧara soepņo tebaņone ari Anutu wane osino mi biraņoniaike. Ȧo ņene ņara soep mi nekeneo, yemo eņetze Anutu wane kaitko mi kesiake. Ȧo ņene ņara soep nekeneo, ea wane ramore eņetze mi ma wayake.

<sup>9</sup> Ȧine kaulukkei, ņei wele natne ņine mali malip ņine seleleineņo dere ewekeu paki ne okanmami, ņine maine gekei, ņo kimakopņine miti mali malip ewekine pa ebon okanmaike, eņe wet masiuk okanonbi borikino ket qekeiwane dere mezet okanikei.

<sup>10</sup> Ge ņei bile sorin borinņone weneņo ari lopio wane urungo ņara soep sotno more mere nekene, pakimo kimaņone mane eņe miti mali malipine ewekine, eņe gangi qomine saki nemaikane newe ra, mi yewaka mere lopio wane ņara soep neake me?

<sup>11</sup> Eso geņane sorin borin ņoneņo ņei kimaņone miti mali malipine ewekine pa manmaike, Kristoņo eņane ramore seukke, eņe matali kamaike.

<sup>12</sup> Ȧine masi borikine kimakopņine yale okanone more wet mali malipene pelelekatne, qe

masiuk okanonikei, yemo Kristo masi borikine okankaikei.

<sup>13</sup> Ea wane mo n̄ara soep̄n̄o maki kimane borikino ket qemaikane, na koso lopio wane n̄ara soep̄ mi nekale, eso na yale okane more kimane koso mi matalikawe, borikino ket qeake.

## 9

*Paulo eje aposolo urata wane lewine mi makane wetpese detke*

<sup>1</sup> Na mulap korop gemaile me? Na aposolo mida me? Na Yesu, n̄enze Waom mi kakole me? Na Waom wane urata makolane weleine n̄ine mi wakone gemami me?

<sup>2</sup> Na natne en̄ane aposolo mi mane ge okanmaile, eso n̄inane aposolo yemo welekatne ge okanmaile. Aposolo uratanane weleine Waom wane mosopko wako wakone yemo n̄ine.

<sup>3</sup> N̄ei natne nan̄ane n̄ade don ra okanmami, eje don nat paromine iwa yale mainge edan okanmaile.

<sup>4</sup> Natne n̄ene n̄inano n̄ine miti urata wane n̄ara me doku mi nekenane rawet n̄ongoi

<sup>5</sup> Aposolo natne so Waom wane n̄olekoune so Petoero eje n̄anowekopene en̄erop wenen̄ miti qelit ari okanmami. Pakimo natne n̄ene yemo n̄erap midaine ge more miti urata makenane ra n̄ebongoi me?

<sup>6</sup> Me na so Barnabas, n̄etoka metesen̄o urata mate paki kine kine marat kaiketane ra n̄epongoi me?

<sup>7</sup> Ma n̄ei n̄o kawali wane urata maki paki koso on̄jomka n̄araine marat kayake? Mida! Man̄o wain

ebotki wele wakongi mi neake? Me maño lama wareone geki paki, koso ñamuene mi neake?

<sup>8</sup> Na don iwa ñei dereret mogare nae wetkoñine ra wakonmaile me? Rara Togon numa yewaño don weku yewaka mi ramaike me?

<sup>9</sup> Mose wane Rara Togon Numa yewao iwa yale qeke, “Bulamakaunjo wit woune ra muzuge neki ge añaïne misuk mawon gekene, eje urata wane ñara maine nemaïke.” Pakimo Anutuño don iwa ea bulamakau eñañeka wetke rake me?

<sup>10</sup> Me eje ñenane weneñ dere more rake? O, don iwa yemo korop ñenaneka ra more qeke. Ea wane euo sere qemaïke, ñei yewa eje wele wakongi neakane wetke more gemaïke, eso ñara wele menangi mamaïke ñei yewa eje neakane wetke more mamaïke.

<sup>11</sup> Nene miti urata ñinano ma more waet keunjino dukkone, ea wane turuñine ñine solawane qesi qesiñ kine kine ñebonbi rap onokawane, ñinano waet dukkone ea wane weleine. Eaño maine mi okangirap me?

<sup>12</sup> Natne eje ñinano ñine ñara aboñ mau, urata ñei sogine ñene aposolo weneñ mamaine mi pamaïke me?

*Paulo Eje Miti Urata Lewine Midaine Make, Yewaño Wetpese Donine Okange*

No ñene yemo Kristo wane Miti Don Maine yewa numa lenkaikenane ranem paki ñinano ñine ñara aboñ maikenane raraine yewa waluke more siluñ yaup wikile kutno ge okan maine.

<sup>13</sup> Bakom Urungo urata ma okanmami, eje Bakom Urungo ñine ñara ne okanmami, eso

aratao soe soep mit mit urata ma okanmami eņe aratao ņine kine kine ne ma okanmami. Yewa ņine mi det okanmami me?

<sup>14</sup> Rokop yalewaka miti urata mama ņei eņe miti urataineņo sola wane qesiņ yeye kine kine ma wakone eboniakane Waomņo rake.

<sup>15</sup> Ңo siluņ na kine kine yaline mane mi ma okanmaile. Me ņido ea wane rokopko iwa yaleka ninikei wane wetke more kibi iwa mi qe ņibonmaile, midakaka. Na sola wane qesiņ zuage more seukewe ra, ea maine seukkale, ea wane rokopko maneņo sola wane kine kine okannan okannan yemo midakaka! Na ea wane wetpesek gemaile, ea maneņo wet pesek ea mi maki kesi-ake.

<sup>16</sup> Na miti ra okanmaile yewa wane daleo batne okanbe menageake, na yewa makalane ra ninnin ninane ma okanmaile. Ңo na miti rara urata yewa yeine qeligewerap, yai, yewamo Waomņo daleo okan nangirap?

<sup>17</sup> Na urata, nae wetno wakone more mawerap, yemo gemage lewine mawerap. Na yemo urata iwa wane mi rawe Waom oņom miti wane ņetne gekalane ra ningane miti urata lewine midaine ma okan okanmaile.

<sup>18</sup> Ea wane mo na lewine onoka maikale? Yemo iwa yale: Na miti urata ma ariwe paki ņei miti lewine midaine edan okanmaile, pakiso miti wane ra more sola oken wane kine kine makalane raraine yewa waluk okanmaile. Ea wane mo miti lewine midaine edan okanmaile, yewaņo mo uratanane lewine okanmaiķe.

*Paulo Eņe Ңei Kine Kine Eņane Qelit Mama*

## *Okange*

<sup>19</sup> Na maine ramaile, na ɲei keuo ɲine, ɲei mane wane qelit mama midaka. No siluɲ na nonɲomka rawe paki ɲei korop eɲane qelit ma gemaile, yemo onoka wane, ɲei loutneɲo miti dere more menaɲgei wane wetkewe paki yale okan okanmaile.

<sup>20</sup> Yuda ɲei eɲano gewe paki Yuda ɲei mane wane tanik okan okanmaile, onoka wane Yuda ɲeiɲo menaɲgei wane yale okan okanmaile. Miti sogine Mose wane Numa ma qe okanmami, eɲerop gewe paki miti sogine Mose wane Numa ma ge okanmami, eɲane tanik ge okanmaile, eamo miti sogine Mose wane Numa yewa wane qelit qewe paki midaka, miti sogine mage okanmami, ɲo menaɲgei wane yale okan okanmaile.

<sup>21</sup> Qelaɲ miti midaine Mose wane Numa ɲadino ge okanmami, eɲano gewe paki qelaɲ Numa ɲadino ge okanmami, eɲane tanik ge okanmaile, ea mo qelaɲ miti midaine edo menaɲgei wane, yale okan okanmaile. Na miti midaine eɲane keuo Anutu wane Numa ea maine mi qelige gekale midaka, eɲane numa solaino arikale, ea na welekatne mitiwo Kristo wane Numa kotino ge okanmaile.

<sup>22</sup> Miti ɲei zonomene pelekakatne eɲane keueno ge more pelekakatne tanik okan okanmaile, eamo pelekakatneɲo menaɲgei wane yale okan okanmaile. ɲei kine kine edo menaɲgei wane eɲane keueno ge more tanik kine kine okan okanmaile.

<sup>23</sup> Eso na yeye kine kine korop okan okanmaile yemo Yesu wane mitiɲo wakone ariakane,



pakimo na nonjom miti mali malip wane morian wane damoze nei natne enjerop wenenj maikale.

### *Togogleka Biririk Mage Lewine Maikene*

<sup>24</sup> Bat sobenino nei loutneņo biririkkei. No siluņ enano nine nei wekuņo alakane soben qoi qoino lotke more lewine mayake. Nine yewa mi detmami? Ea wane mo nine yaleka biririkeu paki yuane more lewine maikei.

<sup>25</sup> Biririk biririk wane neine eņe oņaine biririkei wane rau paki sawe kine kine ge more tau ge okanmami. Eņe kine kine sinoine gegeine, midaine gegeine bamgo, ea wane yale okan okanmami. No nedo yemo kine kine wele, ma gege togon, ea wane yalewa okanikene.

<sup>26</sup> Na nonjom biririk okanmaile, eso dene yau yaup pore midakaka, kudupka modare biririk okanmaile. Na kawali qekalane metene birawe yaup tewino mi ari okanmaike.

<sup>27</sup> Midaka! Na solane zok qewe paki qebinkawe nae similene ea mogare ari okan maike. Na nei miti ra edane gemage nae uratanane weleine mi wakoniakane, ra more solane wareka okanmaile.

## 10

### *Asuņo Israel Nei Kepe Keuo Masi Ma Ebongi Qekoi*

<sup>1</sup> Kimakopne na nabokopze Mose wane naso kine kine okangoi ea wane kine naņaekei wane wetke nıbonbe detpi. Eņe korop kezonņo kawetongi ariu paki koropka Kiwet Takitne zip ziuno gesoke maineka ari wawarekoi.

<sup>2</sup> Eso Mose wane ñeikoune okanikei wane rau paki eñe korop kezonj so kiwet ño miti dokuene leleki taukoi.

<sup>3</sup> So eñe korop Waom wane Asuño ñara mawakone ebonge weku yewaka ne arikoi.

<sup>4</sup> So korop eñe Asuño doku mawakone ebongi, eñe yewaka weku ne arikoi. Eñe Asu wane wesi eñerop wenenj arikoi, wesi yewa ñine doku ketki neko. Eso wesi yewa yemo Kristo okanmaike.

<sup>5</sup> Eñe kine kine yewa korop okanon wareke, ño siluñ Anutu eñe tanik manikene borikine ea wane mi similekaki eñane keuo ñine ñei ñerep wele korop dere worik one qelinongi kepe sai togolo seuke qe qolok okan warekoi.

### *Israel Ñei Eñane Masi Wakonge Ea Giremze Okanmaike*

<sup>6</sup> Ukude, tanik manik korop eñano wakonge, yewano ñenane giremze okangi ñedanmaikane ñene kañem paki eñe okangoi yale wetzeno borikine kine kine misuk ma qot okanikene.

<sup>7</sup> Me eñano ñine natne okangoi, yale okane lopio misuk meñen kaikene. Ea mo Anutu wane Papiao iwa yale qeqine pamaike: “Ñei ñerep pese ket mere ñara neko so doku neko, so koso wie more eñet ore more so wenip yau yaup mau paki doku neu eaño wet siuk okanonge.”

<sup>8</sup> Ñene wenip yau yaup eñano ñine natnejo makoi, yale misuk maikene. Eñano ñine natne eñe yale okane more kaiwe weku yewaoka ñei ñerep 23 tausen (23, 000) seuke pawarekoi.

<sup>9</sup> Njine enjano njine natnejo Waom liwekkakoi yale misuk okanikei. Enjano njine natne enje yale okangoi, ea wane koma edo edotki seukkoi.

<sup>10</sup> Me njine enjano njine natnejo Anutu sorinkakoi, no njine yalewaka Waom misuk sorinkaikei. Enjano njine natne enje yale okankakoi, ea wane Seu Seu wane Anjelojo Ezipt kepeo enguki seukkoi.

<sup>11</sup> Yeye kine kine korop iwa njabokopze enjano wakonge, ea yemo natne enjane qaka okanmaike, ea wenenj desikei, wane naso qoeyakane Nasoine bomileki, gemaine njenane girem don ra more don kisi iwa Papiao qeqine.

<sup>12</sup> Ea wane, nei mane enje enjinane detki togogole okan okanmaike, enje peleke ket qeakane kauluke geake.

<sup>13</sup> Ninano liwe liwek natne wakonge, ea mo njinjine zonom so dereret njinane kouno wakonge, nei natne enjano liwe liwek wakon okanmaike, yewaka njinano wakone sake. Ea wane njene Anutu maine detluk kaikene, pakimo enje liwe liwek yewa ma ewekki zonom njinane rokop yewa yuane more mi liwek njuniake. Midakaka! Liwe liwek njinano wakoniakeo, banj Anutujo numaine ma njibone more qesinj njungi njine maine togolekei.

*Waom Wane Njara Ne More Satan Wane Wenenj Nene Eamo Mi Pamaike*

<sup>14</sup> Ea wane kima maepkopne, njine lopio isisine enjane tanik manik yewa njadekkau paki yeine qelige gekei.

<sup>15</sup> Njine wetnjinerop, miti dereret gemami wane don iwa njidanbe detlukeu.

<sup>16</sup> Laseo wain mosopkake, ea wane nene Anutu menenkanjem mosopkaki nenjem paki, Kristo wane wenjem gorop tako rakot okanmaine. So nene bret mapok okanmaine, naso yewao ne more, Kristo wane sola bikum gorop tako rakot okanmaine

<sup>17</sup> Bret wekuku nei nerep magu suainenjo bret weku ne more qeturanj nongi kima magu weku okane ge okanmaine.

<sup>18</sup> Njine Israel nei enane kineene detlukkeu, ene njara soep ne okangoi, ea mo Waom wane zakeo mire more ne okangoi, enjo qeturanjone ene zake ea wane Waom gorop magu weku okangoi.

<sup>19</sup> Njine nanane don iwa yale ramaike, ea misuk desikei, “Qelan edo waom isisine lopio wane soe soep mitmami, eamo maine welekakatne.” So na iwa yale wenenj mi ramaile, “Waom isisine lopio eamo kine kine eamo wele.”

<sup>20</sup> Midaka! Na iwa yale ramaile, qelanj nei ene njara soep mit okanmami, eamo asu qotkoinane ene Anutu wane mi mit okanmami, njine yemo osona, asu borikine enerop tako rakot mi okangei wane nanmaike.

<sup>21</sup> Njine Waom wane laseo njine doku ne more koso asu botkoinane laseonjine maine mi nekei, njine Waom wane zakeonjine njara neu paki koso osona borikinane zakeonjine njara maine mi nekei.

<sup>22</sup> Me nene Waom koto matali okan kanjem maine mi det worik okan njoniake me? Nenane zonomjo Waom wane zonom yuankamaike me?

*Mane Ene Enjaneka Dereret Detki Mi Menageake*

<sup>23</sup> Nei natne iwa yale ra okanmami, “Yeye kine kine korop oka okane pamaike, ea welekatne.” No na ramaile, siluŋ yeye kine kine korop okane, miti wane qesi qesiŋ okane doku tau tau magu wele gege yemo mi pamaike.

<sup>24</sup> Mane eŋe eŋine menageakane ka mi desiake, ŋei natne eŋe menaŋgei wane weneŋ desiake.

<sup>25</sup> Njine soep qole qole wane naluo njine soep kine kine yaup qazaŋ qelaŋ eŋano njine qole-mami, yewa njine maine nekei, dere qeka okane misuk qesongi.

<sup>26</sup> Onoka wane, Anutu wane Papiao iwa yale qeŋeine, “Kepe, so kepe wane kutno yeye kine kine pa waremaike, ea mo korop Waom waneka.”

<sup>27</sup> Qelaŋ ŋei maneŋo eŋane matko ari mere njara nekei wane newan njuniakeo, njine ari more njara kine kine sotjino mosiake, yewa maine nekei. Dere qeka okane ra qesonka mi okankaikai.

<sup>28</sup> No ŋei maneŋo njidane rayake, “Njara soeppae mo mire lopio wane sotno morimi yewa njine.” Rakiso, yemo ŋeiwa njidanike, oŋo dere worik njuniakane, eŋane ra more dere mezet okane so yeine walukkei.

<sup>29</sup> Neu njinane koto njine boriakane mida njidanike, ŋei yewa wane kotine boriakane dere mezet okane yeine walukkei.

Na nae kotoneŋo dere mezetine midaine pakimo, onoka wane ŋei maneŋo eŋine kotinane rokop yewaŋo nanano makatakeake? Ea maine mida!

<sup>30</sup> Na Anutu dage kito olatpe paki njara soep meŋe meŋeŋo mosopka newe maŋo onoka wane dere worik naniake? Ea mida!

### *Sot Midaine Gekene*

<sup>31</sup> Ea wane njine njara soep me doku surok nekei, me yeye kine kine mane okanikei wane rau paki Anutu ewine kito mawakaikēi.

<sup>32</sup> Njine Yuda nej, so Grik nej, so Anutu wane doku tau tau magu enjane kaiteno sot midaine geu, enj mane mi detpi bori njiboniake.

<sup>33</sup> Na yaleka nej kine kine enj nanbi menageakane gemaile, paki na nae kine kinenjo menageakane mida, nej loutnenjo miti dere more menangei wane urataine ma okanmaile.

## 11

<sup>1</sup> Nonjo Kristo wane numao gesoke mogare ari okan maile, eso njine yaleka nanjane numa yewaka gesoke mogat nanikei.

### *Nei So Njerep Kineze*

<sup>2</sup> Njine naso banjem nanjane wetke more don kine kine korop maine paki, ra njidangole, yewa wane rokopko mogare malilipke ma ge okanmami, ea wane njine mawa njunmaile.

<sup>3</sup> Eso koso mane rawe desikei, yemo iwa yale, Kristo enj nej korop enjane lewet suaine, nejno njanominane suaine, eso Anutunjo yemo Kristo wane suaine.

<sup>4</sup> Eso nej mane lewine kawetkeki paki menjenkayake, me miti rayake enj suaineine Yesu Kristo ewe mabaik okankayake.

<sup>5</sup> So njerep mane lewine kawune midaine ge more menjenkayake, me Anutu wane miti rayake, enj yaleka suaineine Yesu Kristo ewe mabaik okankayake. Eamo njerep yaup gegeene lewetene

zoune unbi nobetka okaniake, enjerop rokop weku okaniake.

<sup>6</sup> Eso njerep enjewe lewine kawune midaine geakane raso yemo lewine zoune ungi nobetka okaniake. No njerep enjewe lewine zoune ungi nobetka mesiakane gamu gamu okaneso, yemo lewetine maine kawetkeake.

<sup>7</sup> Nei enjewe yemo lewine kawune midaine geake, onoka wane, enjewe Anutu wane bango enjewe kait tanik so zonom so kibi sotaine mamaine, no njerep yemo nei wane bango so enjewe kibi so zonom sotaineno mamaine.

<sup>8</sup> Iwa yale wane Anutu enjewe njerep wane sola bikuminejo nei mi make. Midaka. Enjewe nei wane sola bikuminejo njerep make.

<sup>9</sup> Me Anutu enjewe yaleka njerep wane detki paki nei mi ma wakankake. Midaka. Enjewe nei wane detki paki njerep ma wakankake.

<sup>10</sup> Njerep enjewe nei wane bango gemaikane, ea wane kibiine yemo enjewe lewine kawune wenenj geake, pakimo anjelo enjewe kau menageake.

<sup>11</sup> Eso njene gegeze Waom wano pamaikane, nei enjewe bonep gege me njerep enjewe bonep gege ea mo, mitiwo yale mi pamaikane.

<sup>12</sup> Njerep enjewe neiwanonjine, set bikuminejo make, rokop yalewaka nei njene njerep wane kotino njine wakone sua leule okan okanmaine. Eso yeye kine kine korop yemo Anutu wano njine wakone sari okanmaikane, onjewe welaine.

<sup>13</sup> Njine njidom dere kau, njerep mane enjewe lewine kawune midaine Anutu menjenkayake ea masi maine me? Mida!

<sup>14</sup> Nei njerep njenze tanik manikzenjo sikan

ņunmaike, yemo iwa yale, ņei mane eņe lewine zoune kiroroine ma geake, yemo mi menageake.

<sup>15</sup> Ȋo ņerepņo lewine zoune kiroroine ma geake, yemo menageake, onoka wane Anutuņo lewine zoune kiroroine mange, eaņo lewine setne kawetkeakane, eaņo lewe kawetinane kibi okanmaike.

<sup>16</sup> Ȋo mane eņe naņane don iwa wane don urata mayake, me rayakane okaniakeo, yemo iwa yale desiake. Masi iwa ņene masi mane mogatņem, Anutu wane doku tautau magu mat natne eņe mane mi mage okanmaine.

### *Korinti Eņe Waom Wane Ȋara Matalikoi*

<sup>17</sup> Na iwa girem don natne ņidanmaile, na mi mawa ņunmaile, yemo iwa yale wane, ņine lewa lewaņ ņino lewage masi maine mi okan okanmami, midaka! Masi qotkoine okan okanmami.

<sup>18</sup> Na lewine ea wane rawe, ņine doku tau tau maguņo lewaņmami, naso yewao keu ņino mapo mapokine wakon okanmaike, yale nolatpi na don ea wane detpe, welekatne qou okanmaike.

<sup>19</sup> Welekatne, doku tautau magu keu ņino mapok, yemo yaup mida miti mage mage ņinane kine didiwo wakoniakane, so ņei ņerep maņo Waom wane uratao modat lukmaike, ea maine wakongi kaulukkei.

<sup>20</sup> Ȋine ruo ņara wane qeturage okanmami, naso yewao Waom wane ņara wele nekeiwane maine mi lewaņ okanmami.

<sup>21</sup> Mida ņine bonep bonep ņinņine ņara ikopka ne okanmami, eso mane eņe ņara wane seukeake, so mane eņe doku zok neki wetine siukeake.



<sup>22</sup> Me daleo? Njine njinjine mat bonepnjine mi pamaike me? Yewao njara so doku newe ra neurap me? Me njine Anutu wane doku tau tau magu enjane detpi kine kine yauwine okanmaike, pakimo njine nej njerep natne njara midaine gamu kuteno motkei wane sari okanmami me? Njinane na daleo raikale? Na maine njinane masi ea wane bakom kito mawa njunikalane me? Ea, midakaka! Na kine kine ea wane maine mi mawa njunikale.

*Paulonjo Ruo Njara Wane Kine Ra Qelanjange*

<sup>23</sup> Na Waom wano njine don makole, ea yaleka njine kito njidangole, ea wane done iwa yale pamaike, Yudanjo Waom Yesu siron qeki makoi, ruo yewao Waom Yesunjo bret make.

<sup>24</sup> Paki Anutu bakomine kito ea mapoke more rake, “Iwa nanjane bikumne, njine qesinj njuniakane njibonikale. Nanjane dereret ge more yale nekei.”

<sup>25</sup> Bret neu, enj wain lase okange, yaleka ma more rake, “Lase iwao wenjemne metmaike, enjo Anutu wane siwa siwap me tako rakot muselane qesinj, na nojom wenjemnejo ma wakone motmaile, ea nekei rokop nanjane dereret ge more ne arikei.”

*Mane Enj Waom Wane Njara Mataliake Enj Sotkorop Okaniake*

<sup>26</sup> Yesu wane don enjo iwa yale sikanjonmaike, njine naso banjem bret iwa nekei, so lase iwa njine wain nekei, rokop Waom Yesunjo wikile make so detke, so seu seuinane don kisi wenenj ra qelanjane ge mageu Waom enjine sari lotkeake.

<sup>27</sup> Ea wane mane enj Waom wane njara me laseo njine wain mi detluke mabaike more qazan

neake, eɲe Waom wane bikum so Waom wane weɲemine ea ne siuke sotkorop okaniake.

<sup>28</sup> Eso yalinane mo, mane eɲe eɲine wetinane kine detkaki paki, ɲado bret ne more laseo ɲine wain neake,

<sup>29</sup> onoka wane, ɲei eɲe Waom wane bikuminane kine mi detluke malipka more bikumine ne more laseo ɲine wain yaup neki paki eɲine sotine ne wakonmaike. Pakimo Waom mo manerop okankayake.

<sup>30</sup> ɲine yalewa okan okanmami, ea wane ɲinano ɲine ɲei ɲerep loutneɲo zomarop so zonomene midadaine zok ge okanmami, paki loutneɲo mo esat seukwarekoi.

<sup>31</sup> ɲo ɲene ɲedomka kotozane kine mo ma wesake ma qelaɲanikeneo, yemo Anutuɲo ɲongi sotze midaine okaniake.

<sup>32</sup> ɲo ɲene qewoloɲ okanɲem, yemo Waomɲo kineze ma wakone more ma koboe ɲoniake, pakimo ɲene eɲine dokoine okangene. Eɲe yale okanɲoniake, yemo ɲene kepeo miti midaine borikine mama ɲei ɲerep natne gemami eɲerop qeliɲɲongi, mi midakene.

<sup>33</sup> Eso kimakopne, ea wane ɲine Waom wane ruo ɲara qeturage weku nekeiwane lewage toma metpi, natne sari wareu kieke nekei.

<sup>34</sup> Eso mane eɲe ɲara wane seukmaikeo, eɲe matino ɲara neake, pakimo wekuoka lewa lewanɲine, yewao Anutuɲo kineɲine mi ma wakoniake. So don kine kine natne pamaike, eamo baɲ noɲom umore ra ɲidanikale.

# 12

## *Asuŋo Urata Kine Kine Damo Mamaike*

<sup>1</sup> Kimakop, iwa yemo Asuŋo ŋinane kine kine damo qemaikē, ea wane kine ŋaŋaekēi wane ŋidanbe detpi.

<sup>2</sup> Ŋine mo detmami, mokaka ŋine qelan gekoi, naso yewao lopio donene mi raraine me gegeene midaine, edo tebanunbi eŋano ari gekoi.

<sup>3</sup> Ea wane, ŋine iwa yale desikei. Mane eŋe Anutu wane Asuŋo eŋerop geki paki don olatki, eŋe Yesu wane eŋetine maine mi ra matali more soak kutino mosiake. So mane eŋe Asu Koboboine midaine geakenjo maine mi rayake, “Yesu eŋe Waom.”

<sup>4</sup> Miti urata wane kine, mane mane pamaikē, ŋo Asu yemo weku gemaikē, oŋo damo qe ŋebon okanmaikē.

<sup>5</sup> Miti wane urata kine kine maikenane nu-mainē loutne pamaikē, ŋo urata welainē yemo Waom weku gemaikē.

<sup>6</sup> Miti wane urata maikenane, masi kine kineine loutne pamaikē, ŋo masi welainē yemo Anutu weku gemaikē. Oŋo zonom ma wakone ŋebon okanmaikē.

<sup>7</sup> Asu eŋe mitiwo geuluke more korop qe-siŋ onikenane, ŋei welainē welainē zonomine mapoke ŋebon okanmaikē.

<sup>8</sup> Asuŋo ŋei mane dereret mangi miti kine qeirop detluke more rayake, so mane eŋe Asu yewanjoka zonom mangi miti kine maket more rayake.

<sup>9</sup> Mane eņe Asuņoka qesiņkaki mali malip korop geake, mane eņe Asu yewanjoka zonom mangi zomarop ebuki menanņei.

<sup>10</sup> Asuņo ņei mane masi kine kine togole mayakane zonom ma wakone maniake, so mane eņe Anutu wane don ra qelaņaniakane wetine malotkeake, so mane eņe Asu maine so asu borikine ea wane kine detkayakane zonom maniake. Mane eņe don kine kine kunenņine kait qotot mi dereretne rayakane wetine ma qelaņaniake, mane eņe don kine kine kunenņine kait qotot mi dereretne dere main geakane zonom qesiņ kayake.

<sup>11</sup> Kine kine iwa korop yemo Asu weku, oņomka ma okan waremaike. Eņe eņine wetinane detluke more ņei welaine welaine damoene qe more kine kine mapoke ebon okanmaike.

### *Solaze Weku Qelit Dokoine Loutne*

<sup>12</sup> ņei ņene solazeņo weku, ņo solazane qelit qeqe yemo welaine welaine qelit qekamami, pakimo sola wane urata mamakoune loutneņo qeturage weku okanmaike, Kristo wane magu eņe sola weku yale, sisine koune loutne, eņe siluņ loutne, ņo qeturageu sola weku okanmaike.

<sup>13</sup> Numa weku yewaka, ņene korop Asu weku yewanjoka miti doku tau tauņo qeturaj ņongi, sola weku okangone, Yuda me Grik, qelit ņei me yaup similane gegine, ņene korop Asu weku ņebongi ma more, eaņo qeduguņongi weku okangone.

<sup>14</sup> Pakimo sola eņe weku mida, eņe sisinekoune loutne.

15 Kienjo iwa yale rayake, “Na mete midakaka, ea wane na sola wane sisine mida,” yale ra more daleo sola qeliŋka eŋineka geake, rayakeo, eaŋo kitatka maki eŋe sola mi qeliŋ kayake.

16 So ket eŋe iwa yale rayake, “Na de midakaka, ea wane na sola wane sisine midaka.” Yale rayakeo, eŋe daleo sola qeliŋka more eŋineka bonep geake, eaŋo kitatka maki eŋe sola mi qeliŋ kayake.

17 Eso sola eŋe korop deka okaniakeo, eŋe daleo don detkirap? So eŋe ketka korop okaniakeo, eŋe daleo qoune detki rap?

18 Sola eŋe yale midakaka. Anutuŋo sola wane sisine natne eŋe korop urataene bonep bonep detluke more qelit mama urata maikeiwane ra biraon wareke.

19 Sola wane sisine nat korop eŋe kineene wekuka okangera, yemo sola mane mi pakirap. Midakaka!

20 Iwa mo yale mida, sola eŋe sisine nat koune qelit qeŋe loutne pamaike, ŋo solaŋo yemo weku.

21 Eso ea wane deŋo mete maine mi olale rayake, “Ge midaine na maine gekale.” Me lewetŋo kie maine mi etane rayake, “Nire midaine na maine naeka gekale!”

22 Ea midakaka, ŋene solazane sisine natne koune eŋane kaŋem zonomene midaine okanmaike, eŋe midaine solaŋoka zonominerop maine mi geake.

23 So solazane sisinekoune eŋane detŋem ketkele okan okanmaike, ea takot laplapŋo kibi manerop mauluke ebu okanmaine, so solaze sisine natne maine mida gamuinerop, yewa ŋene

mauluke kaweton okanmaine.

<sup>24</sup> No solaze sisine natne korop mayakatne, eamo yaup tingo qeliṅonṅem urataene ma okanmami. Anutu oṅom solaze sisine ea korop weku yale mawareke. Solaze sisine natne ketkele, eṅe urata manerop wawaine ra ebonge.

<sup>25</sup> Solazeṅo mi wiri more sisine nat nat okane, eṅe korop wekuoka qeturage qelit qeṅe maine okangei wane eṅe yale okange.

<sup>26</sup> Ea wane sola wane sisine mane eṅe wikile desiakeo, sola sisine natne eṅe koropṅo wikile desikei, me sisine nat mane eṅe eṅetine mawakayakeo, sisine nat nat korop eṅe bakom kito warekei.

### *Miti Wane Urata Mama Nṅei Kine Kine Gemaine*

<sup>27</sup> Iwa yemo ṅine korop Kristo wane sola okanmami, eso weku weku yemo solainane sisine nat nat korop okanmami.

<sup>28</sup> Doku tau tau magu eṅano Anutuṅo ṅei iwa yale biraonge. Lewine aposolo, ṅado propet, yewaṅo kito ebo ebon, ea wane ṅadino masi mama wane ṅei zonomgorop, so zomarop ebuwi menaṅgei wane ṅei zonom gorop, so ṅei setene pelekakatne, zoma kubet korop qesiṅonṅei wane ṅei, so ware ware urata kine kine warekei wane ṅei, so don kunerṅine rara ea wane ṅei, yale biraonge.

<sup>29</sup> Eṅe korop aposoloka gemami me? Eṅe korop propetka gemami me? Eṅe korop kito ebo ebon ka gemami me? Eṅe korop masi togole mama wane zonomgorop gemami me?

<sup>30</sup> Eñe koropño zomarop ebuwi menañgei wane zonom gorop gemami me? Eñe koropño don kine kine kuneñine maine raikéi? Eñe koropño don kuneñine raraine maine maingekei me? Eaño midakaka!

<sup>31</sup> No ñine siluñ miti wane damo maniña wele suaine maikéi wane yemo togole more sorin borin okanikei.

Pakimo, nonjo ea wane numa mayakakatne iwa bañ sikanñunbe gesokkei.

## 13

### *Wet Maep Midaine Kine Kine Okañjem Yauwine Leleake*

<sup>1</sup> Na kepe ñei ñerep eñane don so añelo eñane don maine rawerap, paki na wet maep midaine gekaleo, yemo nanjane donneño wagom mane kitou arokmaike, ukatne, me romon mane wane aroine yale don sawañ okangirap.

<sup>2</sup> Na propet ge more don sane korop detluke more kine kine ñado wakoniakane done rawerap, paki na Anutu wane don sane ea wane kine maine det warewerap, so miti wane kine pokaine, me tutuine, ea maine dere detluke detperap, so na rawe bonagaño okora okoraine qelige masikaniakane mali malip maine pa ningirap, paki wet maep midaine gekaleo yemo na ñei sinoine lelewerap.

<sup>3</sup> Na maine kine kinene korop ñei aboñene midaine matoke ebon warewerap, so nae solane Kristo wane ra more sunkawe gerepko zekirap, ño na wet maepne midaineño yale okangaleo, na wele mi marat kaikale.

*Wetmaep Koropño Miti Numao Maine Gesokeake*

<sup>4</sup> Wet maep koropño eñe ñei peamine, so pesekine geake, ñei wet maep koropño ñei mane wane okora okora me met met me urata mama me don rara me abon kine kineinane bailalan mi okaniake. Ñei mane wet maep koropño eñine solaine mi mawalak kayake, eñinane detki wawaine mi okaniake, ea midakaka, eñe ñei korop kima okanoniake.

<sup>5</sup> Ñei wet maep koropño kine kine qazazañka mi okaniake, so bonep mi okaniake. Eñe sot osi osi ikopka mi okaniake. Wet maep koropño masi qotkoine okankau turuñine mi dapore mageake.

<sup>6</sup> Ñei wet maep korop eñe borikineño sua ariki qom borik desiake, okan mama bileño sua ariki wetpese desiake.

<sup>7</sup> Wet maep koropño umat kine kine korop tewekwareake, yeye kine kine korop detluke dere worik mane mi desiake, wetineño korop lukka tebaka geake, umat kine kine wakongi togogleka ma okorayake.

*Wet Maepño Qoiqoine Midaine*

<sup>8</sup> Wet maep yemo qoiqoine midaine, papa togon. Anutu wane don rara wane urata yemo ban mida lele ariake, don kuneñine kait qotot rara wane bakom pamaike, ea ban midayake, dereret mama wane urata yewa ban mida lele ariake.

<sup>9</sup> Iwa yale, ñenane kine dereretze eamo weti kutka, so ñene Anutu wane don ra okanmaine, ea yaleka weti kutka.



<sup>10</sup> No gemage kine kine wele papa togon ea wakongi kine kine kutka oka okane eaŋo ban siuke mida leleake.

<sup>11</sup> Na ea wane kine ra qelaŋanmaile, na medep nigatne gekole yewao medep don ra gekole. Na medep wet wetke gekole, so na medep dereret dere gekole. Eaŋo ge mage ŋei suaine okanbe paki medep tanik manik ea korop qeliŋ warekole.

<sup>12</sup> Nene naso iwao Waomzane kine maine mi kaulukkene, ge mage Naso Suaino meŋo me qaŋ aito kaitzeŋo aekkene, na ukude iwa kine kine weti kutka detka okanmaile, ge mage ŋado kinerop ka detka okanbe qoeyake. Anutuŋo na yaleka kinerop nanluk okanmaike.

<sup>13</sup> Kine kine karewe iwa edo papa togon paikei: Mali malip, ora tebaka tebaka, so wet maep. Njo iwa eŋano ŋine wet maepŋo yemo suaine okanmaike.

## 14

### *Asu Wano Njine Bakom Ea Wane Don*

<sup>1</sup> Njine wet maep marat kaikei wane sorin borin okane togolekei. So qom njine ewekki Asuŋo kine kine korop damo qe njibonmaike, ea wane sorin gekei, eamo miti kine rara wane damo maniŋa biŋek njine ma more, ewekeu paki Anutu wane don togoleka ra qelaŋangei.

<sup>2</sup> Mane eŋe miti don wet njorobuŋ kuneŋine maneo rayake, eŋe ra more ŋei mi edanmaike, midaka. Eŋe Anutu olatmaike, onoka wane ŋei maneŋo don iwa mi detmaike. Eŋe Asu wane zonomŋo qebinkaki don sane wele ra wakonmaike.

<sup>3</sup> Nɔ mane eɲe Anutu wane miti don rayake eɲe ra more ɲei nan ɲeoniake, so ma togole one more wet pese okanoniake.

<sup>4</sup> Ɗei miti don kunenine maneo rayake eɲe eɲine wetineka weku ma togolekayake, ɲo mane eɲe Anutu wane miti don kine rayake eɲe doku tau tau magu qesiɲone ma togole oniake.

<sup>5</sup> Na ɲine koropɲo don kunenino kait qotot raikei wane simin nanmaike, ɲo ɲine koropɲo Anutu wane miti don kine raikei yemo zok manerop simin nan lukmaike. Ɗei mane miti Anutu wane don rayake eaɲo manerop suaine okanmaike, paki don mane eɲe don ɲorobun kunenine kait qotot maneo don rayake eɲe yuan kamaike. So don kunenine kait qotot maneo don rayake, eɲe ra more ɲado kine maine mainge ɲei ɲerep magu edangi eɲe dere more ea wane wele mageu menageake.

<sup>6</sup> Eso kimakopne, ea wane iwa ɲinano umore don kunenine kait qotot natne yewao miti ɲidanikaleo, daleo ɲine qesiɲ ɲunbe koto ɲino kesiake? Mida. Na Anutuɲo don sane natne sikan nange yewa ɲidanikaleo me, miti wane dereret qeirop, me miti wane kine natne ɲidane more ɲibon okanbe, yemo maine koto ɲinane wele okaniake. Na don kunenine kait qotot mi raikale, na don tingoine, didiwo eao maine rawe desikei!

<sup>7</sup> Eso gegeene midaine kine kine tewine, mulup so gitakaki puane qeu aroine tingo arokki eɲet wetne didiwo desikene. Aroine kine kine arokki daleo detnom lotkeake?

<sup>8</sup> So ɲei mane oɲo biugal puangi aroine suaineka didiwo mi arokeakeo, maɲo ban dere

more kawali qeakane abonj maulukeake?

<sup>9</sup> Njine yaleka. Njine don kunenjine kait qetot mane nej njerop mi detmami yewaoka miti kaweunerop raikiwo, nej njerop eje njine onoka wane ramami, ea kine daleo desikei? Njinane don njinenjo yaup ari mida leleake.

<sup>10</sup> Don kine kine loutne kepe banjem yewao pa arimaike. Manenjo kine midaine mi pamaike, korop kineropka pa waremaike.

<sup>11</sup> Njo na nej manenjo don mane raki, don wane kine mi dere qelanane njanamaileo, yemo na nej yewa wane detpe eje nanane kimane mida, eje ban nej tego mane okaniake, so eje yaleka nanane detki na enane kimaine mida, na nej tego mane okanikale.

<sup>12</sup> Njinano kine yewaka pamaike, njine Asu wane zonom maikai wane zok ra okanmami, ea maine, so kine kine natnane mida, mitinjo doku tau tau magu keu njino wakonluke payakane, njine urataine togogole soringe mau ea wane bakom damo morianine njinano wele wakone, doku tau tau magu qesinkaki, sua wayake.

<sup>13</sup> Nej don kunenjine kait qotot maneo miti kine rayake, eje Anutu menenkaki onjo qesinkaki miti kine detluke more nej njerop mainge edaniake.

<sup>14</sup> Na don kunenjine kait qotot maneo menen kaikaleo, yemo wet njorobun njoku menen kaikale, nj wetnenjo kine dere mi okanikale.

<sup>15</sup> Ea wane na daleo okanbe rap? Na ban njorobunjo menenkaki wetnenjo wenenj yaleka detluke, ananenjo ban ra qelanjanikale. So na ban Asunenjo enet kitoki, wetnenjo yaleka detluke ananenjo kitokale.

<sup>16</sup> Ge Anutu meñenkanom paki, Asuñone ñoku ora ma wakanom, ñei mane eñe geñane don ñañaeyake, paki ñei yewa eñe daleo mainge Anutu meñenka, asuñoneño ora meñen kamaine, ea wane qesiñgane rayake, “I, weleka!” Onoka wane ge don ramaine so Anutu ora mawa kamaine ea wane numaine eñe mi detmaike.

<sup>17</sup> Welekatne, geñane meñe meñen ñoneño Anutu mawakam paki, olatkene ea maine. Ño siluñ ñei mane yewa eñe mi qesiñ kaluke ma togolekaki wele marat kamaike.

<sup>18</sup> Na miti don kine kine kunenino kait qotot rawe paki, natne ñine korop yuan ñunwaremaile, ea wane na Anutu meñenka more mawa kamaile.

<sup>19</sup> Ño na doku tau tau magu lewa lewago don mete mane (5 ka) edanikalane wetneño nanmaike, yemo na yale okanbe paki, ñei ñerep natne miti don kito edanbe, eñe maine detpirap, so don kunenine kait qetot maneo miti kiroine don ten tausen rara, eamo yeine!

### *Miti Aukenane Medep Nigmatne Eñane Rokop Mi Okanikene*

<sup>20</sup> Kimakop, miti wane wet dereret ñineño medep nigmatne eñane wet misuk wetkekei, borikinane yemo wet dereret ñineño medep nigmatne eñane wet dereret yale wetkekei. Ño miti wane yemo wet ñineño ñei suaine eñane wet yale wetkekei.

<sup>21</sup> Anutu wane papiao don iwa yale qeqine,  
 “Na ñei lobo so ñei don kine mane nañane Yuda magu keuo biraonbe nañane kine ra qelajan onikei, Waomño ramaike. Na ban ñei

lobo enane pieno motpe don edanikei. No silun, eje ban nanane don detpi wele mi okaniake.”

<sup>22</sup> Eso masi don kunenine kait qotot maneo rara eaŋo yemo qelaŋ enane binjek okanmaiike, doku tau tau enane binjek mi okanmaiike, ŋo Anutu wane Miti don rara masi, eaŋo yemo doku tau tau enane binjek, qelaŋ enane binjek mi okanmaiike.

<sup>23</sup> Eso doku tau tau magu koropŋo lewage more, don kunenine kait qotot kine mane kine mane raikiwo, ŋei natne mi detmami, me qelaŋ ŋei natne sari metkeiwo, yemo eje raiki, ŋine qelaŋ okanmami me?”

<sup>24</sup> No ŋine korop Anutu wane don miti ra qelaŋane metpi, ŋei qelaŋ mane me ŋei yauwine mane eje ŋinano umore miti yewa korop desiake, detki, yewaŋo qomino kito more, wetinane kine korop qe wakonmaiike.

<sup>25</sup> Eso kotino don korop motkeki pamaiike, yewa ra wakon wareake, paki eje umiket more Anutu meŋenkaki paki ora mawaka more rayake, “I welekatne, Anutu eje iwa ŋinerop gemaik!”

### *Miti Wane Lewaŋgenane Koto Kele Midaine Mi Lotkekene.*

<sup>26</sup> Kimakopne, ea wane daleo okanikei? ŋine sari lewaŋgei naso yewao urata ŋineropka korop sari lewageu menageake, mane eje enet mene meŋen ma sariake, mane eje miti kito ŋida ŋidan ma sariake, mane eje miti kine rara ma sariake, mane eje miti don kunenine kait qotot maneo rara ma sariake, so mane eje miti don kune ŋine kait qotot maneo dere mai main ma sariake. Yeye

kine kine iwa korop okanbi doku tau tau magu ma togole ñuniake.

<sup>27</sup> Ño ñei natneño miti don kunenine kait qotot maneo raikēi wane okane, yemo loutneño mi raikēi, ñei etke me kareweño raikēi. Mane raki qoeki mane rayake, qoeki mane. Eso maneño don remi, yewa mainge ñidaniake.

<sup>28</sup> Ño don mai main ñei mane yewa mi metki zuage more ñei don kunenine kait qotot maneo lewa lewan yewao rara, eamo yeine qeligeake, pakiso, enjineka bonepine Anutu olasiake.

<sup>29</sup> Ñei etke me kareweño Anutu wane don kisi raikēi, eso natne eñe don ramami, yewa maza-kanikei.

<sup>30</sup> Ño mane eñe lewa lewago metki, Anutuño wetino don mane mosiakeo, yemo ñei alakane okora don ramaike, eñe maine qeligeake, mesiake so,

<sup>31</sup> ñine koropño Anutu wane don kisi maine weku weku mane ra qelingi koso mane, eñe qelingi koso mane. Yale okanbi ñei ñerep eñe mitirop okane eweke togolekei.

<sup>32</sup> So Anutu wane don ra qelanangei, miti ñei yewa eñe don raraene ware kalukeu paki, enjene naso miti don maine raikēi.

<sup>33</sup> Onoka wane, Anutu eñe matali qetali welaine midaka, eñe peam welaine. So urataine ea koboboine ma okanmaike, ñene yaleka kima weku urataze qeturage maikenane, Anutu simin kamaike.

<sup>34</sup> Doku tau tau magu korop eñe eñet miti me don okanikei Naso yewao, ñerep eñe doku tau tau magu lewa lewago donene midaine mesikei.

Eje don maine mi raikei, eje ketkele, Mose wane Ramatok Don Numaño ramaike, ea wane kop gekei.

<sup>35</sup> No eje don mane wane kine desikei wane raikeiwo, yemo eje mateno ñaokopene maine qeson ongei. Nerep mane eje magu lewa lewago don raki, gamu gamuinerop okangi mi menageake, ea masi maine mida.

<sup>36</sup> Me Anutu wane miti don ea ñinano mikepka wakonge me? Me ñine wekuño Anutu wane don detkamami, ño natne mo mida me?

<sup>37</sup> Ñinano ñine manejo enjanane detki, eje ñei mitirop okangi so, Anutu wane don ra qe-lañaniake, me enjanane detki eje Asurop okani-akeo, eje don qe ñibonmaile iwa Waom wane don yale detlukeake.

<sup>38</sup> No mane eje don iwa kima mi mayakeo, ñei yewa eje yaleka Waomño kima mi okankayake.

<sup>39</sup> Ea wane, kimakopne, ñine miti kine detluke raulukkei wane sorin borin okanikei, ño miti don kuneñine kait qotot maneo rara, ea wane numa leñ leñ mi okanikei.

<sup>40</sup> No ñine urata korop tegok luke modare more mau menaŋgi paki wakone, koboine miti qelañaninerop okane paulukeake.

## 15

### *Yesu Wie Wieinane Don*

<sup>1</sup> Eso kima kopne, iwa yemo Sigi Maep Don Maine ñidanbe detkoi, ea waneka koso ra ñidanbe detpi! Ñine sigi maep mo ma gemami pakimo yewao gesoke malipka togole okoramami.

<sup>2</sup> Sigi Maep Don yewa njine njidangole, ea wane njine Anutuño njibuyake, njine Sigi Maep Don Maine njidangole, yewa malipka ma gekeiwo, me malipke mageu siuke njibongeo, yemo mali malip wele midaine.

<sup>3</sup> Na sigi maep Don lewine weku ningi makole, yewaka njine njibongole, don wele iwa yale, Kristo ene miti don sogino mo qekoi, ea wane rokopko borikine zane turunine seukke.

<sup>4</sup> Paki ene denesereo birakau kaiwe karewe pa more wisikae wieke. miti don sogine mo qekoi, ea wane rokopko.

<sup>5</sup> Wie more mikepka Petoro wakonkake, yewa no Aposolo magukoune 12 wakononge.

<sup>6</sup> Pakimo njado magukoune 500 enano wakongi naso wekuoka kakoi. Enano njine koropno wisika gemami, so natneño mo seukkoi.

<sup>7</sup> Pakimo njado koso Yakop wakonkake, ea njine koso aposolo magukoune korop wakononge.

<sup>8</sup> Paulo na dokoine enane magu kotino mi gekole, njado na qoi qoine wakon nange, naso yewao aposolo magukoune enano takotnange.

<sup>9</sup> O, na aposolo korop enane ketkele meene, ea wane na nejno aposolo maine mi norakei wane, na Anutu wane doku tau tau magu engu matali qetali okanongole.

<sup>10</sup> No na aposolo okangole, yemo Anutu wet maepinane ra more okangole. So wet maepine ninge, yewano nanano wele midaine mi okange. Midaka. Na urata gerereune makole, eno aposolo natne korop enane rokop yuanmai. So na nonomka onokaneño mawerap, Anutu wet maepine nanano pakane makole.



<sup>11</sup> Eso ea wane mo nonjo makole, me edo makoi, ea wane don mida. Nene koropjo miti iwaka njidan okanmaine, pakimo njine kisi maep yewa dere malip kakoi.

*Yesu Seu Seuonjine Wiekane Nene Wiekene*

<sup>12</sup> Iwa Kristo eje Anutujo seu seuonjine ma wirikkaki wisikae wiekeo, njene miti don sigi maep yalewa ra njidan okanmaine. Pakimo njinane keuo njine natnejo onoka wane seu seuonjine wisikae wie wie mi pamaike ra okanmami me?

<sup>13</sup> Seu seuonjine wisikae wie wie welekatne mi pamaike, yale ra bisop kekeneo, yemo njene Anutujo Kristo seu seuonjine mi ma wirikkaki wieke yewa ra bisop kaikene.

<sup>14</sup> So Kristo eje Anutujo seu seuonjine mi ma wirikkaki wisikae wiekeo, yemo sigi maep raraze wele midaine okaniake, so mali malipnjine yaleka wele midaine okaniake.

<sup>15</sup> So yewaka mida, njene Anutu eje Kristo seu seuonjine mi ma wirikkaki wisikae wiekeo, njene anajenje ra takot okanka more iwa yale raikene, eje Kristo seu seuonjine ma wirikkaki wisikae wieke. Yale ra more Anutu wane isi nejikoune okanikene. Onoka wane njene Anutu eje Kristo seu seuonjine ma wirikkaki wisikae wieke, yale ra wakongone. No Anutujo nej seu seune welekatne mi ma wirikongi wisikae wiekoiwo, yemo eje Kristo yaleka mi ma wirikkaki wisikae wiekirap.

<sup>16</sup> Onoka wane nej seu seune Anutujo mi ma wirikongi wisikae wiekei yale raikeneo, yemo

Anutuŋo Kristo yaleka seu seuŋine mi ma wirikkaki wisikae wieke raikene.

<sup>17</sup> So Anutuŋo Kristo seu seuŋine welekatne mi ma wirikkaki wisikae wiekeo, yemo mali malipŋine wele midaine okane mi qesin ŋuniake. Pakimo ŋine borikine ŋinerop ge more midakei.

<sup>18</sup> So Kristo detlukkau paki seukkoi, eŋe yaleka mo siuke mida lelekoi.

<sup>19</sup> Nene Kristo wane dereret ge more, kepe iwa wane gege mage ea waneka weku toma gekeneo, yemo ŋei natne qom borik okan okanmami, eŋe korop yuan one more ŋedo qom borik zok manerop okangene. Baŋ Kristoŋo ŋene mi ŋebuyake.

### *Seu Seuŋine Wisikae Wie Wie Yemo Tegeoo Wiekei*

<sup>20</sup> No yale mida, Kristo eŋe welekatne Anutuŋo seu seuŋine ma wirikkaki, wisikae wieke, ea mo euo kine kine mo lewine kieke wele wakon okanmaike, yalewa ŋei seu seune pamami, eŋe alakane ebongi paki wieke, ea wane ŋei seu seune eŋe baŋ wisikae wiekei.

<sup>21</sup> Nei maneno seu seu kieke ŋebonge, yaleka ŋei maneno seu seuŋine wisikae wie wie kieke ŋebonge.

<sup>22</sup> Adam wane ra more seuk okanmaine, yale waka Kristo wane ra more seu seuŋine baŋ korop wisikae wie warekene.

<sup>23</sup> So weku weku wiekenane rake, rokop wisikae wie warekene, lewine Kristoŋo alakane wieke, ea wane, ŋadino Kristo sariake, naso yewao magukoune korop wie warekene.

<sup>24</sup> Wie wareñem mo naso qoe wareake, pakimo Kristo eñe wawaine, ñei waom urata, ware ware zonom gorop, so sorin borin gorop, korop ebu ket biraon wareake. Pakimo ñei waom urataine ea mo mainge Anutu Magak maniake.

<sup>25</sup> Onoka wane, iwa yemo Kristo eñe Ñei waom urataine ma arimage qoeki, Anutuño ñaba koune korop ebu ket kinane bano biraone more lapelek onwareake.

<sup>26</sup> Eñe ñabakoune natne ma ket biraon ware mo ñaba suaine eñe ñado qe matali kayake yemo seu seu.

<sup>27</sup> Onoka wane Miti sogine Anutu wane Papiño iwa yale ramaike, “Yeye kine kine korop Anutuño eñane kinane bango biraon wareke.” Don iwa yemo Anutuño eñine Kristo wane bango weneñ mi ramaike, eñe yeye kine kine korop ebu ket more Kristo wane bango biraongane ramaike. Ea wane ñene don iwa mo didiwo detmainane ñene koso maine detñem “Yeye kine kine korop,” yewano Anutu wane weneñ mi okaniake, midakaka!

<sup>28</sup> Kristo eñe Magakño qesiñkaki yeye kine kine korop ebu ket more eñine bango biraon warekane, Medepine eñine yalewaka ket more Anutu wane bango geake, pakimo Anutuño ban yeye kine kine korop qopotke ware mo ea wane lewet okan wareake.

<sup>29</sup> Don iwanjo welekatne mi okanmaikeyo, yemo ñinane keuo ñine onoka wane ñei natneño seu seune eñane tungo, miti doku tauon okanmami? Ño welekatne, ñei seu seune maneño mi wisikae wieakeo, yemo eñe onoka wane seu seune eñane

tungo miti doku tauon okanmami?

<sup>30</sup> Eso nenzane yaleka, nene don isisine ea wane ra more njetne njetne kutno wikile gekonejo gemaine? Midakaka.

<sup>31</sup> Kimakopne, na Kristo Yesu nenane Waomze, enjane ra more uratanane wele njine okangoi ea wane wetne menanmaike. Don iwa welekatne. Na kaiwe banjem njinane ra more seu seu maratka okanmaile.

<sup>32</sup> Na Epeso matko gekole, eao nanjane njaba nei korop osom zubaine yale enjerop kawali qekole. Ea sola mawa mawa wane okangoleo, yemo onoka maine mane maikale? Mane mida! Seu seuonjine wisikae wie wie mi pamaikeo, yemo yeine. So nei qelanj natne ra okanmami, iwa yale, “Nene njara so doku ne bat okanjem. Nene qaeki maine seukkene. Seuknjem onja onjaze siukeake. Waomze mane mi gemaike, yemo sot turunje mi maratkaikene!” Na don ea ramaile, wele midadaine!

<sup>33</sup> No nei natnejo misuk isinjunikei, “Nei borikine yau yaup gegine enjerop geu, matali njunbi miti qelingei.”

<sup>34</sup> Njine qelanj masi yeine qelingei, pakimo wetnjine wisikaeki, koboboine ge more, borikine koso mi maikei. Njinano njine natnejo Anutu njanjæ kamami. Na don iwa rawe dere gamu njuniake.

*Seu Seuonjine Wisikae Wie Wie Kine Mane Mane Wiekene.*

<sup>35</sup> Nei natnejo iwa yale mane qesonikei. Nei seu seune enje daleo okane wisikae wiekei? Ene sola tanikene dalino ma more wiekei?

<sup>36</sup> Njine qelanj nej! Njine kine kine ebot okanmami yewa yaup mi sa okanmaike, eseune gototki komine sa okanmaike.

<sup>37</sup> So njine kine kine kepeo ebot okanmami, yemo kaweunerop mi ebot okanmami. Njine segonj me wit me kine kine natne ea woune ka ebot okanmami, pakimo komine so metine njado sa okanmaike.

<sup>38</sup> Pakimo, Anutu nej detluke more tanikine ra mange, ea wane kopka sa more wakon okanmaike, wounane kop tanikine kine mane kine mane wakon okanmaike.

<sup>39</sup> Sola korop, ea wane kine yale waka wekuka mi pamaike, nej solaze nej wekuka, osom nejane solaene nej mane, nanj nejane solaene nej mane, zawon nejane sola nej mane.

<sup>40</sup> So qeliwane kine kine pamaike, so kepe wane kine kine. Nj qeli wane kine kine nejane kibiene weku, kepe wane kine kine nejane kibiene mane.

<sup>41</sup> Kepe deinane kibiine weku, meso wane kibiine kine mane, so serekin nej kineene kine mane kine mane.

<sup>42</sup> Seu seuonjine wisikae wie wie, ea wane kine yewaka pamaike. Sola kepeo dukonmaine, eanjo mida midaine. Sola wisikae wiemaikenjo yemo mi midayake.

<sup>43</sup> Kepeo ebotmainenjo ewine midaine, wisikae wie wienjo qelananerop. Kepeo ebotmainenjo zonomine midaine, wisikae wie wienjo zonomine gege togon gorop.

<sup>44</sup> Sola kepeo motmainenjo kepeo solarop, sola wisikae wie wienjo qeli solarop. Kepe sola pamaike yalewaka qeli sola qelanan zonominerop

pamaike.

### *Adam Nosa Nabo*

<sup>45</sup> Ea wane Anutu wane Papiango iwa yale ramaike, “Adam alakan wakonge, ene oja onarop okane wisikae wieke.” Nado Adam mane ene Asurop okane gege ma wakone ebo ebon ea wane welaine okange.

<sup>46</sup> Asu wane kine kine yewango alakan mi wakonge, kepe wane kine kine yewango alakan wakonge, no Asu wane kine kine yewango nado wakonge.

<sup>47</sup> Alakan Adam ene kepeo njine, Anutunjo kepejo make. Nado Adam mane ene qeliwo njine.

<sup>48</sup> Kepeo njine nei geke, rokop yewaka kepeo njine nejikoune gemaine. Qeliwo njine nei geke, rokop yalewaka qeliwo njine nejikoune gekene.

<sup>49</sup> Eso njene kepejo nei Adam make, enane oja onaine gemaine rokop, yale waka qeliwo njine nei Yesu ketke enane oja onaine gekene.

### *Yesu Lotkeki Kepe Gege Wane Sola Kito Qokkene*

<sup>50</sup> Kimakopne don mane iwa rawe detpi. Solaze kepejo mamaine yewango Anutu wane qeli mat gege togon mi marat kayake. So kine kine mida midaineno geuluke, gege togon maine mi marat kayake.

<sup>51</sup> Na don sane mane njidanbe detpi. Nene korop mi seuk warekene, njene ban koropno kepe solaze kito qokkene.

<sup>52</sup> Naso qoi qoino romon nado arokki ikopka deze ilikitnejo kilitikmaike, yale turenongi yale

okangene. Romon arokki, ñei seu seune eñe gege togon wane wisikae wiekei, pakimo ñene wisikaune gemaineño solaze korop kito qokkene.

<sup>53</sup> Yemo iwa yale, solaze mida midaine iwa kito qoke more ma gege togon wane yewa birañem kesiake, solaze seu seu wane biñek, iwa kito qoke more gege togon wane biñek yewa qorot nagukene.

<sup>54</sup> Eso solaze mida midainane biñek iwa kito qoke more, ma gege togon wane, yewa qorot nagukene, so seu seu wane biñek iwa kito qoke more solaze ma gege togon wane biñek yewa qorot nagukene. Naso yewao Miti dongo iwa yale qeqine, yewa wele okaniake, “Gege togonño seu seu zonom korop qe ma ket biraka more gotkake.”

<sup>55</sup> “O seu seu, geñane zonom diawa? O seu seu, geñane wikile wakileñone diawa?”

<sup>56</sup> Borikineño seu seu wane wakele so ñetne ñetne okan okanmaike, so Rara Togon Donño borikinane nabok pa more zonom man okanmaike.

<sup>57</sup> Ño ñene Anutu ewine kito magekene! Oño Waomze Yesu Kristo talekaki gege wane zonom ma wakone ñebongi, kawali qe more, ñei borikine so eñane urata korop yuanka okanmaine.

<sup>58</sup> Eso ea wane kima maepkopne, ñine gesoke togole luke okorakei. Pakiso Waom wane urata naso banjem togole more makei. Waom wane ra more urata mau wele midaine mi okaniake, ea dere so makei.

*Yerusalem Matko Njine Kimakopene Eņane Wesi Ma Wakonikei Wane Edange*

<sup>1</sup> Iwa yemo, wesi natne ma qeturage more, Anutu wane doku tau tau magu eņane Yuda kepeo motpi ariakane done. Njine Yerusalem matkonjine doku tau tau magu eņane wesi mosikei wane rau paki, yemo Galatia kepeo njine doku tau tau edane mauluk okangole, njine yalewaka okanikei.

<sup>2</sup> Njine soda banjem koropņo wesi soda mane kotino maratkaikai, kop bonep bonep natne mapokeu, paki mat njino more ware gekei. Eso na ņado sari lotkewe, njine wesi mosikei wane urataine mi maikei.

<sup>3</sup> ņado na sari lotkewe, yemo ņidom ņei natne ma wakononbi, na kibi qe ebonbe paki, tale-onbe eņe kibi warop njinane wesi, wetpese wane bakom ma Yerusalem arikei.

<sup>4</sup> Eso na arikalane naniakeo, yemo maine ban narop wenenj arikene.

*Pauloņo Eņano Ariakane Naso More Ebonge*

<sup>5</sup> Na Masedonia kepeoka ari nitoki, ņado njinano banj ukale. Na Masedonia kepeo mikepka ari more yaup yuane ukale.

<sup>6</sup> Na njinano umore naso nigatne njinerop gekale, ge wawe koya naso qoeyake mane. Pakimo banj mat maneo arikalane okanbe, njido maine qesiņnanbi numa arikale.

<sup>7</sup> Na yaup numaka sari njune more ikop mi yuannjune arikale, Waomņo det naniakeo, yemo na naso natne njinerop gekalane wetkemaile.

<sup>8</sup> ņo iwamo Epeso matko gewe Asu ketkane peada bomileake.



<sup>9</sup> Onoka wane, nanane miti urata mawe wele doku tau tau magu maine loutne maine wakonikei wane, madet suaine mo Waomno makoke ninmaike ananmaike. So mane yemo miti wane nabaine loutneho ne ne nabahone gemami.

<sup>10</sup> No Timoti ninano uyakeo, nine kima okankau, ninane keu nino kaet sola misuk geake. So nine weneho desikei, eho Waom wane urataka na ma-maile, yale eho mamaike.

<sup>11</sup> Ea wane ehane detpi ketkele mi okangi, nadekkaikei. Nine wetpese okanka more qe-sinjau, numaine maineka takotke ariake, paki koso zinge nanano sariake. Na so doku tau tau natne ne ne ehane tomaka gemaine.

<sup>12</sup> Eso kimaze Apolos wane don yemo iwa yale, na atakine atakine ninano doku tau tau natne ehoerop nuniakane qebinka okanmaile, ho eho mi ewekmaike, eho iwaoka mida, naso maneo detki kopkeki, ninano bah uyake.

<sup>13</sup> Nine diam nine maikoi, pakiso mali malipko gesoke togole okorakei, so sorin borin okane togolekei.

<sup>14</sup> Yeye kine kine korop yewa wet maepko okanikei.

<sup>15</sup> Kimakopne, nine iwa Stepanas so maguk-oune ehane mo det okanmami, eho Akaia nine, edo lewine alakane wetene mainge miti dere more, doku tau tau okangoi. Pakimo, ehene simile enane Anutu wane nei nerep magu ehano urata suaine ma okanmami.

<sup>16</sup> Na qebin nunmaile yemo nine nei yaline ehane baneeno gekei paki, eho so nei natne miti

urata ma more wikile det okanmami, eɲe onbi ɲetne kop ɲine okangei.

<sup>17</sup> Stepanas, Potunatos, so Akaikos, eɲe naɲano sariu, na wet pesek okanmaile, onoka wane, eɲe ɲido mi sariu, edo ɲinane tungo sari donkisi okannanimi.

<sup>18</sup> Paki ɲine wetpese okan ɲunmami, yaleka na wetpese okannanimi. ɲine ɲei yaline eɲane detpi menageake.

### *Wetpese Don Qoiqoine*

<sup>19</sup> Doku tau tau magu Asia kepe sotno gemami, eɲe ɲinane kaiwe maine ra more don motpi sarimaike, Akwila so Prisila so doku tau tau magu weneɲ, erane matko lewaɲ okanmami, magu koropɲo kaiwe maine ra more don motpi sarimaike.

<sup>20</sup> Kimakopze iwa korop eɲe kaiwe maine ɲinano motpi umaiké.  
 ɲine ɲidom yale waka kimao kaiwe maine ra more lulu zam zam koboine okannagu gekei.

<sup>21</sup> Nae meteneɲo kibi iwa, qem mawa okanɲune more kaiwe maine ra qemaile, na Paulo.

<sup>22</sup> Mane eɲe Waom wane mi siminkaki, Waom wane soa eɲano payake, eɲe sora gerepko kesi-ake!  
 Grik don ra okanmami, “Maranata!” Kine iwa yale, “Waomze sarinom!”

<sup>23</sup> Waom Yesu wane wet menaɲɲo ɲinano pawareake.

<sup>24</sup> Naɲane wet maepneɲo Yesu Kristo wane ra more, ɲinano korop pawaremaiké.

**Waom Yesu Wane Sigi Maep Don**  
**The New Testament in the Ono Language of Papua**  
**New Guinea**  
**Nupela Testamen long tokples Ono long Niugini**

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Apr 2025 from source files dated 31 Aug 2023

646541a1-8d36-5993-802c-6bb850da5963